



yy1

7.4.114

7.4.114



9

ANTONII BOSI
DE
EPISCOPORUM
ELECTIONIBUS
DISSERTATIO.



FLORENTIÆ)(MDCCLXXI.
EX TYPOGRAPHIA BONDUCCIANA
Superiorum permissu.

ANNALS OF THE

OF

EPISCOPALISM

IN THE

UNITED STATES

OF AMERICA

BY

JOHN W. ALLEN



DE ELECTIONIBUS EPISCOPORUM.



Istoria Episcopaliū electio-
num ratio coniungitur cum
gravissimis in Ecclesiastica re
quæstionibus, ut disseillimum
prope sit ea omnia, quæ ad
propositum attinent eleganter
explicare. Urinam verò in hac tanta va-
rietate rerum, & cõpia, illà saltem expo-
nere, & memorare possem, quæ ad Eccle-
siasticas electiones penitus pernoscendas
magis conducunt. Id autem aliquo pacto
me consequuturum confido, si formam illam
iudicaverim, quam in Episcopis consti-
tuendis statim secuta est vetus Ecclesia.
Ab ipsis igitur incunabulis exordiar, &

A

usque

usque ad Constantini tempora disciplinam illam, quæ tunc invaluit, in medium proferam: Deinde quid de hac Ecclesiastica praxi decreverint Canones Conciliorum diversis in regionibus usque ad Imperium Caroli Magni indicabo: Postremo enucleare conabor qui mos fuerit in hisce electionibus, quæ disciplina, & quam hæc a primis iam regulis immutata fuerit post Carolum Magnum usque ad ætatem fere nostram, in quâ cum Romano Pontifice de Beneficiorum collatione simul, & de Episcopis eligendis Reges pacta, conventionesque firmarunt. Quæ vero in his Ecclesiæ sæculis animadversione digna visa fuerint, de his etiam verba faciam, quemadmodum res, ordo, & instituta dicendi ratio postulant, adeo ut omnia, quæ ad hanc materiam spectant, magis magisque, quoad a me fieri poterit elucescant.

Initio præmonendum censeo sub nominibus consensus, suffragii, auctoritatis aliorumque id genus, quæ sæpissime occurrunt, a nobis intelligi Populi potestatem cum Clero fere communem recipiendi, respondive aliquem, quem Episcopi Provinciales ordinandum expeterent, eamque porro maiorem, minoremve, prout temporum vicissitudines paterentur.

Pri-

Primam igitur electionum normam nobis Ecclesiastica Historia suppeditat cum proditori Iudæ Matthias suspectus est; quamobrem Petrus, ob illam qua pollebat auctoritatem de aliquo substituendo concionem habuit ut afflictatæ Ecclesiæ consulere-
ret, & cum perorasset, cæteri simul Apostoli statuerunt duos *Ioseph qui cognominatus est iustus*, & *Matthiam*, & *precedente oratione dederunt sortes eius*, & *cecidit sors super Matthiam*. Hic verò prætereundum non est Petrum ad Plebem de hac re loquutum, ut eiusdem forsitan testimonio præficiendorum merita innotescerent. Nec aliter quidem se gesserunt Apostoli cum septem decreverunt eligere, qui Mensis ministrarent; Etenim convocata prius multitudine quos ipsa elegit, hi per precationem manusque impositionem ad hoc opus ab ipsis constituti fuere. Qua de re vetustæ Ecclesiæ mores luculentius explicans suis in Epistolis Ciprianus, illum usum ex Divinâ Traditione dimanare putat, cum a Deo iussus fuerit Moyses exire Aaronem Scola Pontificia, eamque Filio eius Eleazaro imponere coram omni Synagoga; ac persæpe idem commendat ut in Episcoporum Electionibus Populus rogetur, quippe qui in-

genium, moresque illius, qui ordinandus fuerit agnoscere facile potest. Idem etiam patet ex Origene Homilia sexta in Leviticum. *Requiritur*, ipse ait, *in ordinando Sacerdote & presentia Populi, ut sciant omnes, & certi sint, quia qui praestantior est ex omni Populo, qui doctior, qui sanctior, qui in omni virtute eminentior, ille eligitur ad Sacerdotium, & hoc adstante Populo, ne qua postmodum retractatio cuiuspiam, ne quis scrupulus resideret. Hoc autem est quod & Apostolus praecepit in Ordinatione Sacerdotis: Oportet autem illum & testimonium habere bonum ab his qui foris sunt.*

Interea Fidelium multitudine aucta Apostoli plures Episcopos constituerunt; Omnis enim electionum ratio innititur illa, quam dedit Apostolis Salvator Noster, facultate, ut alios eligerent, qui idem opus assumerent, & ut quemadmodum ipse, in Ecclesia semper manerent, sicut misit me Pater, ita, & ego mitto vos, Verum et si in hisce electionibus nomen, & auctoritas Apostolorum maximopere emineant, nihilominus eruitur exoptata etiam fuisse ab eisdem vota, & Discipulorum testimonia. Etenim postquam obiit Iacobus Hierosolymae Episcopus, ceteri Apostoli cum Discipulis congregati

con-

consulere, ut ne diutius Ecclesia viduata permaneret, & consentientibus omnibus Simon Cleophæ Filius ad Episcopale munus obeundum dignior inter alios est habitus (a). Hinc deinceps eligendi formam ab exemplo Apostolorum acceptam vetustæ Ecclesiæ Patres religiose sunt amplexati, quæ in alicuius designatione, & consecratione versabatur.

Atque hæc duo usque ad hanc ætatem in Oriente, & usque ad quartum sæculum in Occidente coniungi solita sunt. Synodus autem habebatur in Ecclesia vacante, ne Clerus Populusque ab electionibus arceretur, imo & eisdem vel suffragari, vel repugnare possent. Eo Episcopi eius Provinciæ proximi se conferebant, & ut saltem tres secundum Canones in novi Episcopi consecratione interessent, opus erat. Etenim præter Canonem IV. Nicænum, Anacletus *epist.* 2. citata in Decreto *cap. final. dis.* 66. & Anicetus qui ambo Ecclesiam Sæculo primo gubernarunt (dummodo quæ in vulgus edicæ sunt Pontificum Epistolæ ante Siricii tempora genuinæ sint) non modo tres Ordinatores præcipiunt, verum etiam Apostolos hæc tradidisse con-

A 3

fir-

(a) Euf. Hist. Eccl. lib. 3. cap. XI.

firmant. An vero hoc sit de Sacramenti, aut præcepti necessitate, quæstio illustris exoritur. Verior tamen sententia videtur posse, quamvis illicite, Episcopalem consecrationem, & characterem citra dispensationem ab unico etiam Episcopo valide quidem suscipi, atque conferri. Fidem facit Theodoretus lib. V. Hist. Eccl. cap. xxii. a solo Paulino Episcopo Evagrium Episcopum consecratum, & nihilominus Innoc. Papa Epist. xxii. Bonifacio mandavit, ut qui ab Evagrio fuerant ordinati, cum suis gradibus, & honoribus reciperentur. Dionysius item in Hierar. Eccles. describens initiandi Episcopi ritum, unius dumtaxat meminit consecrantis Episcopi. Præterea paucos tunc temporis adfuisse Ecclesiasticis electionibus nemini dubium est, cum difficile ea tempestate foret, omnes simul Episcopos congregari, flagrantibus maxime nimis frequentibus persecutionibus.

Illud autem nos magis ancipites reddit, quod haud tam facile a nobis decerni potest, quænam fuerit potestas & pondus prioribus hisce Ecclesiasticis electionibus, cum præsertim viri omnium doctissimi inter se dissentiant, aliique Plebi, alii Clero, alii potius Episcopis Provincialibus
ma-

maiolem in electionibus auctoritatem in-
pertiant.

Sed si diligenter animum advertamus
ad eas ipsas veteres electiones, forsitan
exempla inveniemus, ex quibus facillime
constantior illarum norma patefieri possit.
Colligitur itaque ex Eusebio lib. vi. cap.
x quod post Narcissi fugam ὁρίζαν τοῖς τῶν
ῥμύρων Ἐκκλησιῶν προϊστάσιν alium eius lo-
co Episcopum ordinare, & (a) Alexandrum
electum fuisse, ut Narcisso Episcopo iam
ætate confecto opem ferret, volentibus vi-
cinarum Ecclesiarum Episcopis. Quapropter
asserendum videtur Episcopos in electio-
nibus populo, Cleroque multum præstitisse,
At Episcopi postquam coiverant, merita &
antæactam vitam eligendorum discute-
bant, & quos reperissent maioribus virtu-
tibus & scientia præditos, eisdem Episco-
patum deferrebant. Hoc diserte docent Cy-
priani verba Epist. 67. cum Sabinj ordina-
tionem commemorat; Idem etiam confir-
matur ex illa Clementis Romani Epistola
a veteribus tantopere commendata, & quam
Petrus de Marca genuinam censet, his præ-
cipue verbis: *ut Episcopi in demortuorum
locum ab ipsis Apostolis vel postea a claris,*

A 4

6

(a) lib. vi, cap. xi.

& celebribus Viris substituantur. Iudicio itaque & delectu eorum, qui principem locum in Ecclesia tenent, Episcopi eligebantur.

Verum tanti intererat, ut Ecclesiis darentur Episcopi, qui grati, & accepti Fidelibus essent, ut futile & absonum omnino videri non debeat, quod Viri omnium doctissimi senserint de Cleri populique in Electionibus auctoritate. Etenim cum populus Clerusque sæpius postularent, ut unus præ cæteris consecraretur, & illorum studio libenti animo Synodus Indulgere vellet, in comperto etiam est, ideo populorum consensum & testimonium fuisse exquisitum, ne invitis unquam obtruderetur Episcopus. Revera Plebs, aut Clerus aliquando Episcopum licet consecratum ita reiecit, ut eius vice alius electus inveniat. Itaque non alio pacto Cyprianus affirmat lib. 1. Epist. iv. electiones Episcoporum penes populum esse, quam quod eiusdem studia, & testimonia diligenter inquiri opus erat, a quo & Candidatorum virtutes, & vitia melius quam ab Episcopis cognoscebantur. Episcopi tamen hæc populorum iudicia ad trutinam revocare poterant, illaque consequenter refellere vel comprobare. Similiter etiam Apostoli multitudinem coegerunt, ne quis ad Altaris ministerium vel

Sa-

Sacerdotalem locum indignus obreperet : Verum ex innumeris Scriptorum locis etiam hauritur quidquid de Populi testimonio, & consensu in electionum Christianarum ritibus assererebamus.

Colligitur ex Lampridio in vita Alexandri Severi, quod si quando aliquos Imperator voluisset Rectores Provinciis dare, eorum nomen *proponebat*, *hortans Populum*, *ut si quid haberent criminis probaret manifestis rebus*, *si non probasset pœnam subiret capitis*, dicebatque grave esse si quod Christiani, & Iudæi facerent in prædicandis Sacerdotibus qui ordinandi sunt, non fieret in Provinciarum Rectoribus, quibus fortunæ Hominum committerentur, & capita: In Pontificali Romano de Ord. Diac. p. 42. agitur etiam de eodem usu, sciscitandi nempe populum de moribus Ordinandorum, eiusdemque rei superest adhuc vestigium aliquod in Denunciationibus coram frequente Populo a Parochis inter Missarum sollemnia factis, & in officio Archidiaconi, qui in ipsa Clerici ad maiores ordines promotione Episcopum de vita, & honestate ordinandi certiore facit.

Sed ut ad ea pergamus quæ magis in his Ecclesiasticis electionibus populi consen-

sensum necessarium evincunt, S. Leo Episc, ad Episc. Prov. Vien, sic loquitur. *Per pacem, & quietem Sacerdotes qui futuri sunt postulentur. Teneatur subscriptio Clericorum, Honoratorum testimonium, Ordinis consensus & Plebis; Qui præsuturus est omnibus ab omnibus eligatur.* Cœlestinus 1. Ep. 2. apud Grat. dif. 61. Can. 13. *nullus in vitis datur Episcopus; Quapropter Divus Gregorius arbitratus est, se nequaquam consecrare potuisse Constantium Episcopum Mediolanensem, quamvis electum a Clericis, ni Cives pariter electioni opitularentur; Et in electione Gregorii Arianæ ad Episcopatum Alexandriæ, scimus Iulium Pontificem Epistolam ad Alexandrinos misisse, in qua habebatur non fuisse de veteri more immittendum Gregorium peregrinum & externum hominem, neque Plebi cognitum, neque postulatæ a Presbyteris; (a) divusque pariter Athanasius de eodem Gregorio loquens in Epistola quadam ad solitariam vitam agentes vim Arianorum vehementer exagitat, quod Ecclesiæ mores everterint, & illum ignotum inuito, & repugnanti Populo obtulerint. Et quamvis in Ecclesiastica Historia exempla*

(a) μήτε γνωστόμενον τοῖς πολλοῖς, μή αἰτηθῆναι πρὸς τῶν πρεσβυτέρων.

pla identidem reperiamus, quibus patet Episcopos sibi successorem delegisse, quemadmodum Valerius Augustinum, & Augustinus Eradium designavit, attamen si nominationi huic Populi consensus deesset, nihil illa quidem existimabatur. (a)

Haec ipsa de causa prioribus Sæculis ea percrebuit opinio, ut populus aut Clerus alicuius Civitatis fidei incogniti Viri non satis tuto committeretur, nec ullus Adventa gregem sibi creditum valide regere, & tutari posset. Qua de re Episcopi, paucis exceptis casibus, ex iis præcipue eligebantur Ecclesiis, quibus præficiendi erant, nec sine sui Episcopi consensu alieni Clerici ad Ordinationem provehebantur (b). Licitum quidem erat ignoto homini Baptismum exposcere, non Sacros Ordines; In priscis pariter electionibus animadvertitur, aliquos Ordinatos, qui honorem istum maximopere defugiebant, quemadmodum in electione Augustini, & Pauliniani Divi Hieronymi Fratris, atque Paulini Nolani Epi-

(a) Pollidius vit. Aug. cap. 8. Conc. Antio. Can. 23. *postquam iussit Episcopo non licere pro se alterum Successorem sibi assignare, licet ad eum vitam perveniat. Quod si tale aliquid factum fuerit, irritum sit.* Syno. Rom. sub. Hilar.

(b) Can. Sard. 19. & Can. 5. Carth. 1. Cypr. epist. 68. Hilar. epist. 35. Leo epist. 84. ad Anastasium,

Episcopi, rerum Ecclesiasticarum Scriptores accidisse profitentur. Verum ne quid a nobis prætermittatur, quod ad Populi auctoritatem magis magisque deregendam conferat, hæc etiam de Plebis Clerique postulatione tenenda censeo. Etenim ipsa in primis Ecclesiæ exordiis nihil iuris tribuebat, sed eius tantum ratio habebatur ab Episcopis, nisi ipsorum iudicio alius dignior præferendus esset; neque a veteribus Canonibus memorata unquam fuit Cleri Populique consultatio, veritis fortasse, ne ipsa contumaces redderet Civium animos Episcoporum iudicio, servata interim consuetudine perficiendi una cum Clero, Civibusque electionis negotium. Itaque quæ de consensu Populi leguntur, nequaquam nobis accipienda videntur tamquam si a vetustis regulis profisciscantur. Tali pacto facilius intelligitur Can. xiii. Con. Laodicensi, cuius in interpretatione longe aberravit a veritate Gratianus putans Canonis auctoritate vocem Populi in electionibus haud necessariam ostendi, quippe quod Gratiani ætate iam ab electionibus Laici Romæ exclusi fuerint; nec non illa quæ de Episcoporum præcipua potestate statuimus, etiam atque etiam confirmantur.

Ad

Ad ea quæ iam antea diximus addi potest quod & ex Canonibus qui Apostolici nuncupantur, maximam fuisse arguitur Episcoporum in hac re potestatem. Præterquamquod Divus Hieronymus (a) testatur præcipuam eligendi auctoritatem penes Alexandriæ Presbyteros inesse, quæ tamen verba intelligi possunt de Episcoporum potestate, cum indifferentem illam Presbyteri, & Episcopi denominationem non solum teneat D. Hieronymus, verum etiam Chrysostomus, & Theodoretus, freti, ut arbitror, hisce Apostoli verbis: *Omnibus Sanctis qui sunt Philippis cum Episcopis, & Diaconibus*, & in cap. 1. *Epis. ad Titum*. *Huius rei gratia reliqui te Cretæ ut ea quæ desunt corrigas, & constituas per Civitates Presbyteros sicut & ego disposui tibi*. Insuper cum veteres Ecclesiæ Patres, Epiphanius, Hieronymus, & Irenæus aperte declarent Apostolos in singulis Ecclesiis, Episcopos qui eas regerent constituisse, quid aliud hi sibi in animum inducere poterant, quam quod Episcopi, si de electionibus ageretur, Principem locum iure meritoque obtinerent? Quæ cum ita sint, palam est quoad inferiores Ordines maiorem Episco-

po-

(a) *Epist. 85. ad Evagr.*

porum potestatem extitisse, quamvis primis Ecclesiæ sæculis minores Ordines Sacris Ordinibus non semper præmissi fuerint, nec quisquam minus canonicè ordinatus putaretur, qui aliis minoribus Ordinibus simul fere receptis ad Diaconatum, altioresque Ordines promovebatur. Etenim prout plus minusve Episcopi iudicarent Ordinandum meritis, & virtutibus refertum, citius illum maioribus Ordinibus decoratum alicui Ecclesiæ, ut moris erat, eo tempore, adscribebant, ubi suscepti Ordinis munera obiret.

Isti quidem minores Ordines inconsulto Clero Populoque minime conferbantur. Supra laudatus Cyprianus hoc idem docet lib. 2. Epist. 5. legem proferens, quam sibi ipse præscripserat neminem ordinandi præter Populi Clerique conscientiam. Hoc igitur Episcopi officium erat ut eligeret, nominaret, ordinaret Ecclesiæ suæ Clericos; sed cum unus ipse rescire non posset, qui singulorum mores essent, & alia ex parte iuxta Apostolicam Disciplinam à Canonibus roboratam *probate conversationis* viros consecrare deberet, Cleri Populi que testimonio uti cogebatur. Probatur & hoc ex Anacleto Epist. 30 ubi ait, *Presbyteri per Castella, & modicas Civitates ac Villas*

de-

debent ab Episcopis ordinari, & poni; & ex Zephyrino epist. 2. ad Aegyptiæ Provinciæ Episcopos his verbis; Ordinationes Presbyterorum, & Levitarum, tempore congruo & multis coram adstantibus solemniter agite, & probabiles, & doctos viros ad hoc opus provehite, ut de eorum societate, & adiumento plurimum gaudeatis: Si vero spectata plane, & conspicua cuiusquam pietas foret, additur ab eodem Cypriano, tunc opus omnino testimoniis non fuisse; Expectanda enim non sunt humana testimonia cum præcedunt Divina suffragia.

Utrum verò nascente Ecclesia nullum interesset discrimen inter Laicos, & Clericos, veluti placet Petro de Marca, nihil miror; quamvis assentiar magis Iosepho Binghamo, qui lib. 1. cap. 5. antiq. Eccl. distinctionem contra Rigaltium, Salmasium, & Seldenum summa, ut arbitror, doctrinæ libertate demonstrat. Verumtamen apud omnes receptum est, plusculum momenti fuisse in suffragio Cleri, quam Populi testimonio; ideoque Presbyteros primas inter minores Clericos obtinentes plurimum potuisse, ac maximo in honore esse habitos, idcirco præsertim quod iis cum Episcopo sedere in Thronis liceret, & quod comu-

nem,

nem, ut alibi innuimus, nominis, & quorundem aliorum munerum prærogativam una cum Episcopis ipsis aliquando retinerent. Neque inficias ire possumus quominus Ecclesiæ primitus erectæ ab Apostolis communi Presbyterorum consilio regerentur, maxime cum non omnibus Episcopi essent adhuc præpositi. (a) Hinc factum est, ut plures acerrime contenderint æqualem fuisse Episcoporum, & Presbyterorum Ordinem, ac dignitatem. Si tamen hac de re dicere ausim quod sentio, attendenda sunt Ignatii, Hieronymi, Clementis Alexandrini, Origenis, ac Tertulliani testimonia, quæ contrarium prorsus ostendunt, magis quam ea scholasticorum distinctio Ordinum interest Iurisdictionem, inaudita veteribus, penes quos *Ordo*, *gradus*, *Officium* inter se minime discrepant.

Quomodocumque se res habeat, sicuti procedentibus Ecclesiæ Sæculis quo magis Ecclesia amplificabatur, *Populorum* iura, Clerique vota labefactari cœperunt, videtur idcirco quodammodo dici posse suis parvis principiis magis idoneam, accommodatamque fuisse perfectissimam omnium æqua-

(a) D. Hier. *Ep. ad Titum*, & *epist.* 63. *Basil.* *epist.* 3. *Cyp.* *epist.* 10. *lib.* 1. & *epist.* 71. *lib.* 2.

qualitatem, & communionem; Namque usu-
venire solet, ut quilibet cœtus ea primum
componat, quæ maxime ad conservationem
sui sunt necessaria, quo imprimis spectat
Ministrorum constitutio, per quos cœtus
dirigatur. Etenim inficiari certe non pos-
sumus quod longo temporis intervallo Popu-
lus non solum Episcoporum electionibus
præfens fuerit, verum etiam aliquando E-
piscopos sibi delegerit; Optatus enim verba
faciens de Cæciliano Carthaginensi Epi-
scopo totius Populi suffragio electum fuisse
refert; similiter, & Alexandriæ Popu-
lus Athanasium sibi petiit ab Episcopis or-
dinari, unde idem de semetipso loquens
ait, si crimen aliquod perpetrasset, & de-
positione puniendum Synodus eundem pu-
taret, necesse tamen fuisse iuxta Apostoli-
cas constitutiones ad Populum Clerumque
appellare, qui successorem pro Athanasio
sibimetipsis dare paterentur. Qua de re
quamvis rear, ut iam superius exposui,
quod in Ecclesiasticis electionibus conven-
tus Episcoporum Populum, Clerumque an-
tecelleret, nihilominus permulta veterum
electionum exempla, præter sapientissimo-
rum hominum, & Cypriani auctoritatem,
quam nimis frangere, & infirmare vellent

B

viri

viri cœteroquin doctissimi Thomassinus, ac Petrus de Marca, fateri me cogunt, Populum aut omnino quandoque elegisse, aut valide quidem electiones comprobasse. Nam ut demonstratur in notis, quas Severinus Binius confecit ad primorum Pontificum vitas, quæ habentur in 1. tomo Labbei Con. Gen., Fabianus in Pontificia Sede uno animorum (a) omnium consensu collocatur; ipsi autem, Deo volente, Clero, & Plebe approbante, Cornelius substituitur, & tandem Lucius Papa unanimi omnium voto eidem Cornelio succedit.

Utrum vero hæc Populi potestas iure quodammodo proprio, an conniventia, vel concessione Episcoporum niteretur, uti Isaacus Habertus, Sixtus Senensis, & Bellarminus nimis forsitan Pontificiæ auctoritatis studiosus affirmant, non magnopere laboro. Exploratum tamen est hanc Populi potestatem alicubi gentium eo perductam fuisse, ut Cœlestinus in Epist. ad Episcopos Apuliæ, & Calabriæ monuerit, quod in electionibus *Populus non sequendus, sed docendus erat*. Etenim Populorum testimonia non indubia semper esse poterant, quinimo aliquoties incerta, fluctuantia, scissa, ne

(a) Euf. Hist. Eccl. lib. 6, cap. 29.

ne dicam etiam corrupta: Et revera invenitur Episcopos semper potestatem habuisse illa examinandi, diiudicandi, probandi, improbandique, atque alia ex aliis revincendi.

Quapropter perlectis veteribus Scriptoribus qui rem diligenter sunt perscrutati, hæcine ut veritati magis consentanea de electionibus a nobis proponuntur. Penes Episcopos præcipuam prioribus Sæculis potestatem extitisse, adeo ut ipsi sæpe elegerint, & omnia secundum Canones disposuerint; Quod si aliquando Plebs aut Clerus sponte sua Episcopos nominaverint, ut electioni semper consentirent Episcopi necesse erat. Cum vero Populus aut Clerus totam relinquerent Episcopis eligendi facultatem, Episcopi pariter consuetudini semper adhæserunt Populum sciscitandi; & cum deinceps Populorum Clerique consensus & testimonium in electionibus Episcopi, auctoritate Canonum fulciretur, omnis ab Episcopis diligentia adhibita fuit, ut non solum consensus a Clero Populoque præberetur, verum etiam ut Episcopus gratus eisdem foret, & charus. Res vero sapienter excogitata fuit, cum Populus de virtutibus hominum, & vitiis æquum

iudicium frequenter ferre ex Romana simul & Ecclesiastica Historia videatur.

Atque hæc nostra de iis Ecclesiasticis electionibus opinio, quæ & eadem est Hugonis Grotii, (a) cum naturali ratione valde congruere perlate patet. Par namque erat, ut imperitior multitudo Episcopis sanctionia, doctrinaque probatissimis plerumque obsequeretur, aliquando vero moribus ingenioque eligendorum propius ac liberius inspectis, ab ipsorum voluntate discederet, atque ita suffragium utrique cum solidiore Ecclesiæ utilitate metitentur.

Quod autem ex hac, quæcumque demum ea fuerit, Populi auctoritate manaverit Regius consensus, extra omnem dubitationis aleam videtur esse. Nam cum in Persona Principis eminenter insit omnis Imperii dignitas, & Popularis potestas, ideo quæ propria sunt Civitatis, in ipso pariter inesse debent. Huc accedit, quod ius, quo semper potitus est summus Imperans, interdicendi Concionibus se irrequi-
sito habitis, ac tutela omnium suæ ipsius ditionis Ecclesiarum, proindeque necessitas absterrendi suspectos homines a gravioribus dignitatibus id efficere manifeste debuerunt,

ut

(a) De Imper, summ, potest, circa sacra cap. 10.

ut nequaquam Episcopi infcio Principe; ut inferius videbimus, renunciarentur, renunciatiq; eiusdem assensum exposcerent.

Reliquum est ut nonnulla quæ ad electionem proxime accedunt, & pauca quædam de Metropolitanis coronidis loco attingamus. Ac primo Episcopus minor triginta annis ab ordinatione prohibebatur. Ita Concilium Neocæ. can. 11. & Agath. can. 17. qui ait: *Presbyterum vel Episcopum ante triginta annos, idest antequam ad viri perfecti ætatem perveniat nullus Metropolitanorum ordinare præsumat.* Auctor Constitutionum Apostolicarum (Græcus quidem Scriptor, qui ritus sæculi tertii enarrare creditur) ait, *oportere eum qui Pastor est, & Episcopus, esse non minorem natum quam annorum quinquaginta.* Attamen constat valde iuvenes etiam nonnullos, necessitate vel utilitate postulante fuisse ordinatos, uti Timotheum Paulus, Gregorium Thaumaturgum, eiusque Fratrem *Ἐπίσκοπος* *ἄμω* aliosque memorat (a) Ambrosius, & (b) Socrates. Certum autem est nullam eiusmodi regulam in sacris literis fuisse præscriptam. Secundo in fidem, mores, sta-

B 3

tum-

(a) Ambro. epist. 55 ad Ananiam.

(b) Socrat. lib. 2. cap. 6.

tumque, & conditionem Ordinandorum diligentissime inquirebatur. Videndus Origenes lib. 8 ubi docet magnam adhiberi solitam diligentiam, ut qui primi inter Christianos essent, ad regimen animarum adsciscerentur. Diacono item proclamante, omnibus obiciendi Ordinandorum crimina patebat aditus, quod & antiquiores Ecclesiæ Rituales demonstrant. Quocirca excludabantur Apostatæ vel (a) ob timorem lapsi, (b) publici poenitentes, Baptisma Clinicorum sequi, sacrarum Scripturarum (c) imperiti, & in Ecclesiasticis functionibus inexercitati; homicidæ, adulteri, (d) digamni, quique sibi dedita opera virilia amputarunt &c. Veniunt præterea hic loci, habita ratione generis, & instituti quod cum officiis Clericorum cohærere non posset atque consistere, ii qui militiæ nomen dedere, servi, vel liberti absque Domini venia, Opifices a Republica conducti, Curiales, Procuratores, Causidici, nec non Energumeni, Scenici, Comædi, alique nonnulli. Tertio Episcoporum delectus habent-

(a) Athen, epist. ad Rufin. Orig. contra Celsum lib. 3.

(b) Con. Arel. 11. Can. 25. & Con. Tol. 1. can. 2.

(c) Conc. Nic. Can. 10.

(d) Leo, epist. 87, ad Episc. Aff. per Mauric. Cæsar. constitutos.

bendus erat (a) ex ea Ecclesia, ut iam diximus, cui præesse debebant, propterea quod hospites. & peregrini ad summum Episcopatus fastigium minime admittebantur, nisi forte inter Ecclesiæ Cives de quodpiam suæ ipsorum Dioceseos non conveniret; tunc enim ad compescendos animorum ætus atque dissidia quemdam ex altera Ecclesia arceſcebant, sicuti Ecclesia Constantinopolitana Nectarium, (b) Chrysostomum, Nestoriumque hoc innixa fundamento Episcopos designavit. Quarto operæ prætium erat, ut ἐπ' αὐτῇ τῇς Ἐκκλησίας, in suæ ipsorum Ecclesiæ gremio χειροτονία precibus, ieiunioque præpositis perficeretur, atque ad honorem istum per inferiores quosdam, si non omnes (c) Ecclesiasticos Ordines gradus fieret. Interdum necessitate, vel extraordinario casu aliquo postulante, ex inferioribus Ordinibus, ac etiam ex Laicis Episcopi creati sunt. Augustinus ep. 261. ad Coeles. Meminit cuiusdam Antonii ado-

B 4

le-

(a) Hilarius Papa epist. 1. ad Aſcan. Tarracon. Cæleſtinus epist. 2. ad Episc. Narbo. Cypr. epist. 28. ad Ventres Hisp. Capito Caroll. & Ludov. lib. 1. c. 18. quamvis an. advertente Stephano Baluzio lex ista non ad omnes Dioceses se extendebat.

(b) Ambro. Epist. 82. ad Eccl. Vercella.

(c) Sozomenus lib. 8. cap. 2.

(d) Con. Sard. Can. 10. Greg. Nazian. Orat. 20. in laudem Basil.

lescentis, qui solo Lectoris officio functus
Episcopatum promeruit. Vulgata nimis sunt
quam ut memoria repeti oporteat, præcla-
rissima exemplâ (a) Cypriani adhuc Neo-
phyti; nec non Ambrosii Mediolanensis An-
tistitis mystica, scilicet candida nuper induti
Clamyde, qua recens baptizati uti con-
sueverant. Quinto ad legitimam cuiusvis
Ordinationem tres saltem requirebantur E-
piscopi addita Metropolitanâ licentiâ, que-
madmodum omnes, ad Metropolitanos inau-
gurandos erant necessarii, Missis Apostolis,
seu literis ab absentibus iusto impedimen-
to distractis. Verum hic animadverti de-
bet, quod tribus prioribus Ecclesiæ sæculis
Episcopi consecrabant, cum nondum à
Canonibus Metropolitanorum in Episcopos
auctoritas, ut in quarto sæculo factum fuit,
sancita foret. Sexto Pagius in Baronium
an. 67. quolibet hebdomadis die ante Con-
stantini tempora indiscriminatim consecras
esse ordinationes adversus Danielem Pape-
brochium invictissime comprobavit; quam-
vis in posterum non passim, sed Dominicâ
die celebrarentur, adserente Leone Pontifi-
ce epif. 89. ad Epif. Prov. Vienn. his ver-
bis: *Quod Episcopus non sibi constare statûs*
sui

(a) Pontius in vita Cypri, Paulinus in vita Ambrosii.

sui nōverit firmitatem qui non die sabbati, vespere quod luceffit in primam sabbati, vel ipsa dominica die fuerit ordinatus. Septimo tandem sedes Episcopales, quo citius fieri poterat, Pastore donabantur, si tempora illa calamitosa ac difficillima excipias, quibus ob ingruentis debacchantisque Tyrannidis tempestates id concessum non erat, ut Carthaginensis Episcopatus (a) sub Ariana persecutione testatur. Generatim Africanæ Ecclesiæ Can. 8. Cart. can. 5. iubeantur intra annum electionem peragere, dein Calch. Conc. Can. 25. tres dumtaxat menses (b) ad novam Ordinationem præfinivit, cuius quidem discriminis probabilis ratio reddi potest, quod difficiliores essent in Occidente electiones propter non mediocrem populi intercessionem, cum in Oriente multo minus illi tribueretur auctoritatis, ideoque facilius Episcopis foret discrepantiam omnem, litesque componere, atque universum negotium trimestri spatio expedire.

Age vero quæ de Metropolitanorum iure polliciti fuimus breviter exponamus.

At-

(a) S. Victor. Utiensis de Pers. Vend. lib. 2.

(b) Εἰς τὴν αὐτῆς συνόδου ἀπὸς τριῶν μηνῶν γίνεσθαι τὰς χειρουργίας τῶν ἐπισκόπων.

Arque quod ad eorum originem attinet; neminem laret in varias abiisse sententias homines eruditissimos. Usserius, (a) Beve-regius, Hammondus illam ab Apostolis traditam colligunt ex Eusebio lib. 3. cap. 4. & Crysf. hom. 1. in Tit; Alii autem, uti Petrus de Marca lib. 6. cap. 1. & Gulielmus Caveus non multo post Apostolica tempora ortam confirmatamque fuisse con-iiciunt. Sed in hac opinionum varietate illud ambigi nequit, quod diu ante Conci-lium Nicænum extiterint, cum idem Can. 6. de metrop. verba faciens vetustam præse-ferat consuetudinem: τὰ ἀρχαῖα ἔθι κρατῖτω τὰ ἐν Αἰγύπτῳ, καὶ Διβοή, καὶ Πενταπόλει &c. Et re quidem vera Irenæus Lugdunensis Episcopus Parœciis Galliæ præfuisse fertur eiusdem Eusebii testimonio, lib. 5. cap. 23. τῶν κατὰ Γαλλίαν παροιχιῶν, ὧς Εἰρηναῖος ἐπισκόποι.

Maxima verò horum potestas erat, no-minisque celebritas. Ipsis (b) enim incumba-bat dirigere Episcoporum Provincialium ele-ctiones, eosque vel ordinare, vel ordinandos committere: Nullum Episcopum ipsis non ap-probantibus eligi vel ordinari decebat: Alte-

rum

(a) De orig. Epif. & Metrop.

(b) Can. Nic. 4. Anti. 19. & Sard. Can. 6,

Yum officium erat controversias (a) inter Episcopos subortas dirimere. An vero sola Auctoritate sua Episcopo alicui officium abrogare potuerint, de hoc valde quidem dubitatur. Spalat. de Rep. Eccl. part. 1. lib. 3. exempla non veretur adferre Episcoporum qui a Metropolitanis, suis muneribus orbatifuerunt. Sed utrum res ita se habeat, an secus, non multum refert, cum vi Legis Iustinianæ. Canonumque, a Metropolitano ad Provincialem Synodum provocare liceret. Ad eundem similiter spectabat Synodos Provinciales indicere, ad quas omnes Episcopos suffraganeos se conferre oportebat, quarum quædam congregabantur nullo temporis ordine servato, sed prout occasio ferret, pro peragendis nempe Episcoporum Ordinationibus; aliæ autem ex Canonum decretis bis aut semel (b) in anno statutæ, & in iis Ecclesiæ causæ, litesque civiles ac criminales Clerici iudicabantur, & Provinciæ Regimen curabatur.

Leges insuper, & Canones Imperiales, Metropolitana promulgabant; (c) emendanda-

(a) Con. Sard. Can. 14. Con. Milev. Can. 21.

(b) Can. Apost. 27. Con. Antio. Can. 20.

(c) Iustin. Novell. 6. epitog. Novell. 42. Epilog.

dabant abusus, vacantisque Sedis intra Provinciam curam agebant, nec Episcopos peregre abire (a) sine ipsorum literis partiebantur.

Coeterum circumscripta & ipsa Metropolitanorum potestas erat, adeoque sine Episcoporum consilio, tantummodo quod ad proprias Ecclesias pertinebat, expedire possent. Quidquid autem Comprovincialium Episcoporum causas aut quascumque alias respiceret, Provincialium Pontificum consensu, iuxta Epistolam Lucio Pontifici adscriptam, agi absque ullo dominationis fastu, sed concordi, & humillima administratione debebat; Quod si Metropolitanus id facere renuisset, Episcoposque nimis gravaret, Anicetus episc. 1. ad Galliæ Pontifices iubet, ut ab omnibus districte corrigatur, & si pertinax in eo fuerit, ad Apostolicam Sedem, per quam omnia Episcoporum iudicia finire præceptum est, eius contumacia referatur; Quæ quidem fortasse verba, ut obiter animadverri potest, in suspensionem huius Pontificiæ Epistolæ Criticos induxerunt. Denique Metropolitanus nemini silentium indicere, nec Synodum nisi de consilio, assensuque Episcoporum dis-

(a) Con. Carr. 3. Can. 18. Greg. Mag. lib. 7. Epist. 8.

dissolvere poterat, sicuti contra ipsiusmet erat proprium iubere, ut aliqua scriptio, libellusve legeretur, vel potius reiiceretur.

Hactenus de electionibus quæ superioribus tribus Ecclesiæ sæculis viguerunt. Nunc priusquam ad alia progrediar, Lectores meos oro obtestorque, ut hic non graventur, quandoquidem firmam stabilemque eligendi regulam subtiliore disputatione evincere conatus non sim. Enim vero magis veritati consultum iri putavi, si fluxam variabilemque veteris illius memoriæ normam rationemque persequerer nulli opinioni, aut systemati sedulo inferviens, veluti cruditus Blondellus qui Populum absolutam immutabilemque habuisse eligendi facultatem asseverare non dubitat, ideoque iusta reprehensione non caret.

ITaque procedente tempore quid Populus, Proceres, Episcopi, Imperatores in Oriente potuerint videamus. Quare pro certo habendum, populi quidem valde imminutam, ac non omnino extinctam potestatem fuisse. Perspicuum in primis est
Ni.

Nicænos Patres hac in re nihil immutasse, quamvis Can. 4. definiatur quod Ἐπίσκοπον προσήκει μάλιστα μὲν ὑπὸ πάντων τῶν ἐν τῇ ἐπαρχίᾳ κάθισθαι; Eo quippe Populus non excluditur, sed iura Metropolitica, & Episcopalialia contra Meletium Schismaticum vindicantur. Et hoc modo Athanasium post exactum Concilium Nicænum electum fuisse ab eo deducitur, quod Eusebiani creationem Athanasii irritam fieri cupientes, defectum popularis electionis obiiciebant; contra vero Episcopi Ægyptii epis. Synod. Conc. Alex. ap. Athan. asseriebant cunctis populi suffragiis Athanasium fuisse expetitum. Simili de causa Nazianz. Orat. 21. de ipso loquens ait, ψῆφω τῷ λαῷ παντός ἐπὶ τὸν Μάρκον θρόνον ἀνάγεται, & Orat. 14. ita refert proclamatum Basilium quamvis non sine Populi seditione. Testatur itidem Theod. lib. 4. cap. 20. *Lucium Arianum non Episcoporum Orthodoxorum Synodo electum fuisse, non Clericorum suffragio, non petitione populorum, ut Ecclesie Leges precipiunt.* Quin imo crebro vim Populus inferebat, ipsiusque furori Episcopi morem gerebant, donec a pietate licet immoderata proficisci compertum fuit, adeout validæ, & Canon-

noniæ eiusmodi haberentur Ordinationes. (a)

Postquam vero ea vi fraudulenter, & malitiose abuti cœperunt, cautum exinde fuit nequid simile deinceps susciperent, & ut quodcumque ausi essent pro infecto haberetur. Verosimile est huc rexpexisse Synodum Laodicenam Can. 13. Μὴ τοῖς ὀχλοῖς ἐπιτρέπειν τὰς ἐκλογὰς ποιῆσθαι τῶν μὴ λοιτῶν καθίστασθαι εἰς ἱερατεῖον. Moderari nempe illa voluit, ut ponderarentur potius suffragia, quam numerarentur, coercendo, non penitus exturbando ab eligendi Provincia τὰς ὀχλούς, sive Plebeculam, ut ex Dionysiana versione interpretatur Petrus de Marca (b). Qua de causa Gregorius ep. 22. sese electioni assensurum profitetur, dummodo unanimes omnes consentiant, secus vero, si ea fiat per cognationes, & sodalitia, vel acerrimos dimicatus. Ac Maiorianus Leoque Imperatores irritas declarant Ordinationes, ubi per Parentum coludia Filii ordinati fuissent inviti, *illo sue reddito voluntati, qui coactus non potuit consecrari.*

Fatendum tamen est Græcis tandem
pla-

(a) Nazian Orat. 19.

(b) De Concor, lib. 8. cap. 6.

placitum, ut a solis Comprovincialibus Episcopi deligerentur. Ita visum Patribus Nicænæ Synodi 2. Can. 3. qui tamen ne novæ huius institutionis auctores esse viderentur, inopportune prorsus originem desumpsere a supra laudato Can. 4. Synodi Nicænæ 1. Hinc orta est Zonaræ, Balsamonis, & Mathæi Blastaris hallucinatio, qui medii ævi Canones interpretati ætatis suæ præiudicium, & usum præ oculis habuerunt. Cum enim Populo tunc nihil loci in Episcopalibus electionibus relinqueretur, hinc augurati sunt eam illi abrogatam fuisse eo Nicæno Canone potestatem. Idque eo facilius ipsis persuasum fuit, quod *χειροτονία* tum Ordinationem, tum electionem significet, (a) quidquid contra sentiat doctissimus Marca (b) fretus auctoritate Frontonis Ducæi in notis ad Chrysostomi opera. Porro tractus hic mos per *χειροτονίαν* consensum, & concursus Populi suffragium declarandi, ab Achenicis, qui Magistratus creabant vel per sortem qui inde dicti *κληροτοί*, vel per electionem qui *αἵρετοί*, vel per manus porrectionem, *χειροτοντοί* vocati, quas Populus universus legitime

(a) Thomaf. de ant. Eccl. dif. Pat. 2. lib. 2. cap. 24

(b) Concor. lib. 6. cap. 24

time convocatus suffragio, & acclamatione designabat.

Ex his omnibus emergit, vel post Concilium Nicænum aliquas fuisse Populi partes in electionibus, dummodo ne quid gravius impedimento esset, ut ecce, si pro longe diffitis, barbarisque regionibus Episcopi ordinarentur ex Concilii Calched. præscripto Can. 28. quemadmodum de Athanasio Frumentio Indorum Episcopo Historici referunt; (a) si quis iam σχολαζουσις Ἐκκλησίας, vel ut Canones loquuntur, ἐπισκόπων σχολαζόντων sedem quomodocumque absque Synodi Provincialis concessu acciperet, vel ab una in aliam commigraret Paroeciam; (b) si demum, ut alia cœtera missa faciamus, maxima Ecclesiæ pars in hæresim lapsa esset; enimvero tum temporis, ex. gr. Donatistarum, & Arianorum Schismate longe lateque diffuso, si communi Plebis suffragio electiones essent peractæ, nonnisi Hæretici, seu Schismatici Episcopi debuerant ordinari. Sic Petilianum Alypio Episcopo Catholico exprobasse legimus, (c) quod Episcopi multis in locis sine Populo creati fuissent.

C

Nec

(a) Rufinus lib. 1. cap. 9. Theod. lib. 1. cap. 28.

(b) Con. Cart. 5. Can. 8. Antioch. Can. 16. 21. Sard. Can. 2.

(c) Collat. Carth. C. 122.

Nec plura, ut arbitror congerenda sunt argumenta, ut intelligatur non parum momenti ad electiones Episcopales in Populi suffragiis fuisse, multoque etiam plus in favore Honoratorum, atque Nobilium, quos generis fama, & dignitatis splendor extolleret, nec non Cleri, ac Presbyterorum, maxime in Civitatibus, quæ maiori celebritate gauderent. Augēbatur enim quotidie numerus Clericorum, & cum numero auctoritas, cum ab initio solus pene Populus in tanta Clericorum paucitate emeretur.

Cæterum eo quamcitissime ventum est, ut Populi libertas arctis valde limitibus concluderetur, ac postmodum tota ad Episcopos, Synodumque Metropolitācam devolveretur auctoritas. Quod ad primum attinet, aliæ leges Populum Clericosque ad unum ex tribus, quos Episcopi in comitiis prius nominassent, eligendum quandoque impellebant; (a) aliæ vero (b) iubeant, ut Clerus, & Populus tres nominaret, ac Metropolitanus, & Episcopi Provinciales quem vellent pro lubitu eligerent. Quod ad alterum a nobis propositum

(a) Con. Arclat. 2. Can. 54.

(b) Con. Barcin. Can. 3.

fitum, usurpata a Græcis Episcopis consuetudine ad se avocandi totum ius Electio-
num, Clero Populoque neglectis, huic
gravi incommodo Iustinianus ex veteri
more mederi constituit, ac lege condita
λαμπρότατος, seu *πρώτος τῆς πόλεως* ita vo-
cavit, ut totius Populi vicem gererent
(a). Sed quid? tantum abfuit, ut Iu-
stinianeæ Constitutio executioni manda-
retur, ut potius tam in Oriente, quam
Occidente oppositum vicerit; Quod a-
lias in causa fuit, ut Græci subinde Im-
peratores ad se ius Metropolitanorum per-
traxerint.

Iam vero cum Populo, Honoratori-
bus, & Magistratibus nonnihil in electio-
nibus pro variis circumstantiis tribueretur,
non potuit non & summis Principibus
plurimum tribui. Ecquid est cur insolens
novumque videatur, si Principi quandoque
eligenti libentissime Populus accomodaret?
Ecquis ignorat quam sæpe id necessarium
fuerit, atque expetitum, ut perturbationi-
bus, tumultibusque sublatis, Ecclesiæ pax,
ac securitas restitueretur? Verum cum mi-
hi animus sit nihil, nisi ex Conciliorum,
& Historiæ Ecclesiasticæ testimoniis exem-
pli-

C 2

pli-

(a) Nov. 123. & 137. L. omnem 42. Cod. de Epis. & Cler.

plisque depromere, idcirco iis è fontibus hauriam quæ ibi extant documenta Imperatoris potestatis in electiones, nominationesve Episcoporum. Quamobrem Constantinus ad seditiones potissimum cohibendas suam in electionibus interposuit auctoritatem, cæterisque exemplo fuit, ut ipsum postea imitarentur (a). Constantinus revera eius filius imperavit, ut Eusebius, & Macedonius Constantinopolitanæ Sedi præessent. Anastasius Euphemio Patriarcha deposito Macedonium, Scevophylacem, atque exinde Timotheum suffecit. Scripsit Synodus Episcoporum, nec non ipse Epiphanius ad Hormisdam Pontificem, se unanimi omnium consensione electum, approbatumque ab Imperatore, & Imperatrice, magnatibus, & Episcopis (b). Quinimo si fides habenda Sozomeno, (c) qui rem accuratius quam Socrates expendit, nemo non videt quantum prærogativæ solus sibi usurpaverit in electione Nectarii Magnus Theodosius enixe commendatus a Nazianzeno, qui non minus studiose (d)

gra-

(a) Euseb. vita const. lib. 3. cap. 80, & seq.

(b) Post. Epist. 70. 71.

(c) Lib. 5. cap. 8.

(d) Lib. 6. Epist. 6.

gratulatus est Imperatori Mauritio ob electionem bene sapienterque habitam Patriarchæ Cyriaci; Ac probabile quidem est exemplum hoc Nestarii nominandi desumptum fuisse a Valentiniano, qui Mediolanensis Ecclesiæ sinum lacerantibus dissensionibus præsto fuerat, eam non immerito partem sequutus, quæ Divino pene Ambrosio suffragaretur (a).

Mentionem quoque facit Socrates lib. 7. cap. 29. & 40. Theodosii Iunioris, qui Nestorium nominavit *ἐκ τῆς ἁρεσπρεσβυτείας*, eademque de causa, ubi Maximianus Episcopus diem supremum obiisset, ne rursus acres susciperentur inimicitiae, concertationesque exardescerent, mandavit Episcopis, ut Proclum in Episcopali solio collocarent. Quod sane laudi vertit Socrates (b) Theodosio, & Cyrillus maximis cum præconiis in Cœlum extollens Conc. Eph. part. 3. Can. 18. ait. *Hoc rursus illustre pii Regis munus est prævio cœlesti suffragio*. Quid quod Arcadius Chrysostomo, Iustinus Paulo Byzantino Presbytero adstipulatus est? Tot, tantisque Ecclesiastica Historia referta est huiusmodi monu-

C 3

men-

(a) Socr. lib. 4. cap. 25. Theod. lib. 4. cap. 6.

(b) Lib. 7. cap. 39. 40.

numentis, ut ab iis singillatim enumerandis merito supersedeam. Illud hic adnotasse sufficiat, tanti habitam eam dignitatem, ut cum plures Provinciæ in Saracenorum potestatem venissent, idem ius confirmandi Patriarchas integrum sibi, narrante Theophane, servare voluerint Principes Saraceni.

Venio nunc ad Episcopales electiones Ecclesiæ Latinæ, in qua quidem certe penes Episcopos Regesque summa potestatis fuit usque ad ann. 750. Ita sanxit in Gallia Con. Aurelian. 2. Can. 1. *Nullus Episcoporum admonente Metropolitano ad ordinationem Consecratoris venire detrectet.* At electionem contineri voce ordinationis aperitur ex Can. 7. eiusdem Concilii, ubi palam est tot Episcoporum cœtum ad electionem, magis quam ad ordinationem desideratum. Superaddita est ab Aurelianensi Conc. 5. Can. 10. & 11. Regii consensus, aut permissionis necessitas: *nulli Episcopatum proemiis, aut comparatione liceat adipisci. Sed cum voluntate Regis iuxta electionem Cleri, ac Plebis, sicut in antiquis Canonibus tenetur scriptum, a Metropolitano, vel quem in vice sua præmiserit, cum comprovincialibus Pontifex consecratur.*

At

At cum Regum permissio in præceptum facile descisceret, Concilium Parisiense 3. irritas, nullasque pronunciavit electiones omnes, quæ sola Principis auctoritate, nullo Cleri interveniente, populique consensu, terminarentur. Confirmatum est hoc Statutum in Conc. Parisi. 5. Regio Clotarii 2. Diplomate, huiusmodi tamen clausula, qua electionum potestas in Regem tota denique refundebatur. Integrum enim ipsi erat, quem Episcopi, Clerus Populusque elegerant, confirmare, aut ex Aula mittere Episcopos ad vacantes Ecclesias, data Metropolitano, & provincialibus facultate eius examinandi, qui in album Ecclesiasticæ Hierarchiæ fuerat cooptatus.

In Concilio Rhemenfi ann. 630. innovata antiquissima electionum libertate, Dagobertus I. Thesaurarium suum Desiderium misit, ut Cadurcensis Episcopus crearetur, utpote quem Abbates, Clerus, populusque eius Civitatis postulavissent (a). Nec minus obviam ivit Clotarii Diplomati Conc. Cabilonense sub Chlodovæo 2. Can. 10. Quamobrem non infrequens fuit

C 4

illud

(a) Ad hæc ipsa publicavit doctissimus Baluzius in pulcherrima Editione Capitularium.

illud quasi medium temperamentum, ut ab Episcopis, & Populo is probaretur, quem Rex nominasset. Iussit Theodoricus Sanctum Quintianum in Arverna Ecclesia constitui; *Et statim missi nuntii, convocatis Pontificibus & Populo, ipsum in ea Cathedra collocarunt*: Hæc lib 3. Hist. cap. 2. habet Gregorius, ut ostendat Regi euræ fuisse, ne Quintianus a se nominatus Episcopis, plebique displiceret. Ita quoque Clodomiri Regis iussu Ommatius Turonensem Episcopatum adeptus est; quo non multis post annis donati a Clotilde Regina Theodorus, & Proculus. Ita Episcopatum Ruthenensem a Regina Brunehilde impetravit Innocentius Comes Gabalorum, Bituricensem a Guntramno B: Sulpitius, Agathensem a Rege Visigothorum Leuva Friminius.

Nec commentitia igitur, nec impossibilis est ea concordia Populi, & Episcoporum cum potestate Principis in electionibus. Magno certe Gregorio, quem incorruptum Canonum vindicem, intrepidumque Ecclesiasticarum libertatum defensorem omnes recte norunt, perfacilis, & consentanea visa est ea suffragiorum conspiratio, quandoquidem decrevit, ut Au-

gu-

gustodunensis Xenodochii Abbas a Rege, & a Monachis eligeretur. Obeunte Abbate non alius ibi quacumque obreptionis astutia ordinetur, nisi quem Rex eiusdem Provinciae cum consensu Monachorum secundum timorem Dei elegerit, ac providerit ordinandum: lib. 11. Epist. 10.

Occupabant quandoque Episcopi praesentare Regibus eos, qui Episcopatu digni reputabantur, quosque Clerus, Populusque mox eligebant. Postulavit a Childeberto Rege, a quo invisebatur in extremis agens Lugdunensis Episcopus, ut nepotem suum sibi successorem daret Nicetium; Assensusque est Rex, & Nicetium populus tunc elegit. Carolomannus Dux, & Princeps Francorum in Concilio Liptinensi an. 743. elegit Episcopos consilio Cleri, optimatum, laicorum, & ipsius maxime Bonifacii Moguntini Archiepiscopi, qui vices Apostolicæ Sedis per Germaniam, & Gallias agebat, cuiusque plane opera Pontifices ad novos Episcopatus constituendos adsensum præbere cœperunt, cum antea usque ad Gregorium VII. in ea re conticuisset illorum auctoritas. Baronius fretus testimonio Lupi Ferrarensis Abbatis existimat, hoc demum Pipino concessum a Zacharia.

At

At quomodo cœteri Francorum Reges eodem iure frui potuissent? Silent enim veterum monumenta, nec Baronius perspicue ostendit undenam reliqui Reges illud mutuati fuerint, neque omnino Lupi verba indicant quod in mentem venit supralaudato Baronio. Verisimilius ergo Pontificem Pipino assensum fuisse, non ut eiusmodi sane præditum iurisdictione, sed ut eum, qui de re quapiam consultus vel approbat, vel dissentit; idque eo animo fecisset Pipinum, ut rem gratam faceret Zachariæ, cui multis devinctus erat nominibus, vel ut paratiores in recipiendis a se constitutis Episcopis efficeret populos, si eisdem Pontifici quoque placuisse intelligerent. Nam quod in Liptinensi Concilio inceptum fuerat super novis Episcopis perfecit Pipinus in Suessionensi, nec a semel assumpta auctoritate unquam recessit, ut in Concilio Vernensi an. 755. Can. 2. testatur, ubi ait, se constituisse Episcopos, qui Metropolitaram vicariam operam agerent.

Interim fas est animadvertere, Gregorium, è cuius historia decerpta illustriora exempla retulimus, nusquam suis querelis has regias nominationes tamquam

Ca-

Canonibus infensas exagitare. Reges, qui distraherent, Clericosque, qui sacras emerent dignitates acerbius perstringit; ipsis vero nominationibus cuiusmodi vitiis minime laborantibus haud refragatur. Ne Concilia quidem ipsa sibi cum Regibus decertandum duxerunt, immo ne certabant quidem de eo, quod capitalius erat, ne mitterentur ordinandi Episcopi è Regiæ Domus familia. Et sane si quem Rex nominat, eundem postea Clerus elegerit, iam salva sunt omnia, nec aliquid aut ex Populi, aut Cleri privilegiis perit. Ideo Conc. Tolet. 12. Can. 1. statuit, ut a Rege propositus illico valeat consecrari. Confirmat hoc etiam Canonum Collector Gratianus *dist. 63. cap. 25. §. electiones cap. quia, cap. Reatina, & seq.* Innocentius III. *lib. 1. epist. 76.* Platina in vita Bonifacii III. Quod autem nonnunquam Canones ab electionibus laicos, ipsosque Reges, ac Principes removeere conentur (a), nihil obstat, cum illud solummodo caveant, ne Reges expulso Clero ad electiones procedant, neve ullam consecrationem Ecclesiastico iudicio, confirmationique præ-

mit-

(a) Decr. dist. 93. esp. porro, & Conc. Avern. Can. 2. & seq.

mittant (a). Nemo enim aliunde non perspicit, Imperatorum, ac Principum semper fuisse Ecclesiam prostratam erigere, ut optime observat Gersonius, sive quicumque ille sit, qui librum conscripsit *de Statu Ecclesiae in veteri, & novo Testamento*. Quapropter Honorium Imperatorem, etiamsi visus sit falcem in Ecclesiasticam messem, ut dicitur, immisisse, nemo plane vituperat, immo Ecclesia æquo, & alacri animo eius legem de electione Romani Pontificis amplexa est (b), eique tamquam insigni benefactori gratias quamplurimas habuit.

Marculphi formulæ exhibent supplicem Civium ad Regem libellum, Regiumque (ut a Gregorio quoque vocitatur) præceptum de Episcopatu, quem Rex precario conferebat prævio Episcoporum, Procerumque consilio, ut ecce, *Cognovimus antistitem N. ab hac luce migrasse, de cuius successore sollicitudinem congruam una cum Pontificibus, vel Proceribus nostris plenius tractantes decrevimus illustri Viro N. Pontificalem in ipsa Urbe committere dignitatem. Quibus verbis omnino planum fit, Regibus iam persuasum, sui ipsorum iuris esse, &*
of-

(a) Spelaten de Rep. Eccl. lib. 3. §. 54.

(b) Epist. decret. tom. 1. inter epist. Bonifacii.

officii, ut tamquam Populi Rectores ad electiones cum ipso concurrerent (a).

In Germania itidem antiquitus contigit, ut Clerus, & Populus simul eligerent. Dein sicuti Romani Imperatores, ex quo Christianam fidem amplexi sunt, Episcopos ipsi faventibus aliis constituerunt, hinc successores quoque idem fortasse usurparunt, eo magis quod teste Gelasio Ep. 11. plurimum fuerint Augustæ Trevirorum commemorati. Quoniam tamen nihil memoriæ proditum invenitur, id temere affirmare nefas est. Unum illud in dubium revocari nequit, quin posteaquam electiones ad Galliæ Reges partim pertinuerunt, idem etiam mos invaluerit in Provinciis iis omnibus, quas victricibus armis Galli subegerant, ut in Germania prima, & secunda, in maxima item Sequanorum Provincia, nec non Belgica prima; quæ quatuor Provinciæ ex septemdecim Gallicanæ Diocescos integræ postmodum ad Germanicum Regnum pertinere cœperunt. Neque ulla suppetit ratio, cur minorem sibi Francorum Reges in Germanos, quam in Francos usur-

(a) Hisce affines sunt formulæ a Sirmondo editæ in Appendice tom. 2. Conciliorum Galliæ, & in Præfatione de antiquo more promovendi Episcopi, quæ cætat tom. 8. Conc. gener. Edit. Lab.

usurpare debuerint potestatem, maxime cum multas Germanicas Ecclesias dirutas iacentesque Franci reparaverint, atque refecerint. Immo & Austrasiæ Regnum, cuius pars maxima erat in Germania, suos sæpe ex Francorum Regia Familia Reges habuisse in comperto est apud omnes. Nec diversa profecto fuit in electionibus consuetudo Pannoniæ, Vindeliciæ, Norici, & Rhaetiæ. In Bavaria vero, quæ tum proprios Reges habebat, Episcopos a Populo interdum delectos indicant Leges Bavaricæ relatæ in Codicem Friderici Lindembrogii lib. 1. cap. 11. (a).

Post receptam a Recaredo Rege Catholicam Fidem, disciplina Hispaniarum ab iisdem moribus non abhorrebat, quippe verisimile est, eam ex Gallia derivatam fuisse ad Hispanos, qui Codice Canonum magna ex parte Gallicanorum uti consueverant. Electio scilicet Clero populoque; iudicium autem Metropolitano, & Cœpiscopis reservabatur eo pacto, ut Regius quoque assensus intercederet, qui Can. 3. Con. Barcinonensis *per sacra Regalia*, idest sacras literas Regias denotatur. Confirmavit usum illum Con. Tolentanum 12. sub

Er-

(a) Vide Concin. de Cons. Episc. Germ. num. 13, & 19.

Ervigio Rege Can. 6. cuius verba retulit Gratianus dis. 63., nihil autem novi constituit, ut nonnulli opinantur. Fatentur inibi Episcopi liberam etiam antea fuisse Principis electionem, quamvis suspensam, donec consultatio, seu relatio mitteretur è Provincia a Metropolitano, & Episcopis. Fallitur in notis ad hunc Canonem Garfias existimans Regem ante Conc. Toletanum electionem suam ad Concilium Generale Hispaniæ retulisse, ab eoque perconctatum, an nominatus dignus esset qui confirmaretur. Erroris occasio sumpta ex Conc. Toletano 16. in quo de translatione Felicis Spalensis Episcopi agitur. Sane translatio non poterat iuxta Canones a Rege decerni, sed a Synodo generali. Adde quod Concilii 12. tempore omnia a mero Regis arbitrio pendebant, ideoque ex posteriore usu Concilii 16. immutatam electionum formam supra memoratus Auctor interpretari non potuit.

Iam vero iidem pene mores erant Ecclesiarum in Anglia; nam in primis Episcopi ab aliis eligi non potuerunt, quam ab iis, a quibus ordinabantur. Ioannes Diaconus ea de re differens lib. 3. cap. 7. inquit *Gregorius Papa Augustinum pe-*
nes

nes Anglos a Galliarum Episcopis ordinari præcipit, per quem nihilominus ad Episcopatum in eadem Gente Monachi eiusdem Patris interdum provecti sunt, Mellitus, Iustus, Laurentius, & Paulinus. Plura possem ex Bedæ Anglicana Historia exempla depromere, sed dumtaxat unum, aut alterum ex insignioribus proferre fatis superque erit. En eius verba lib. 3. cap. 22. 28. Contigit ut congregata Synodo non parva sub præsentia Regis Eðfridi, cui Theodorus Archiepiscopus præsidebat, uno animo, omniumque consensu Sanctus Cuthbertus ad Episcopatum Ecclesiæ Lindisfarnensis eligeretur. Idemque lib. 5. cap. 10. recenset a Rege Alfredo missum in Gallias Vilfridum, ut Gallicanis ab Episcopis ordinaretur, eoque ipso tempore iussu Regis Osuvi creatum Ceaddam Episcopum Eboracensem.

Sane dubitari non potest, quin eandem formam sequerentur reliquæ Occidentis Provinciæ, scilicet ut ab Episcopis, a Clero, & a Plebe in unum congregatis eligeretur qui præficiendus erat Ecclesiæ, eo tamen discrimine, ut iudicium esset Episcoporum, Populi, & Cleri suffragium. Id aperte profuit ex Can. quinto Con. Sardic. an. 347. & Can. 40. Conc. Cart.

3. Vc-

3. Veterem illum usum Con. Cart. 4. an. 398. Can. 1. paucis exponens sic loquitur: *cum in his omnibus examinatus inventus fuerit plene instructus, tum cum consensu Clericorum, & Laicorum, & Conventus totius Provinciæ Episcoporum, maximeque Metropolitani, vel auctoritate vel præsentia ordinetur Episcopus*. Nec porro alio de more, Acholio Thessalonicensi vita functo anno circiter 390. successorem Anysium Macedonicis obsecratum, & a Sacerdotibus electum refert Ambrosius lib. 3. epist. 22.

Quoniam vero ista eligendi ratio pluribus obnoxia erat incommodis ob necessitatem Synodi habendæ, electionem summi Pontifices Siricius, Innocentius, Zosimus, Bonifacius, Celestinus, Leo credidere fidei Populi, & Cleri, etiam absque Synodi Provincialis præsentia. Hinc decretum de electione factum, subscriptumque ad Metropolitanum mittebatur, qui causa cognita, iudicium de forma electionis, & de Persona electi ferebat. At quamvis electio in Italia apud Clerum Populumque diutius viguerit, nihilofecius Regum consensus requirebatur, unde ius confirmandi, & tandem investiendi per *annulum, & baculum* originem traxit, cuius ortum,

D

pro-

progressum, decrementa, & interitum fufius describit Conringius de Const. Epif. Ger. S. Gregorius ſæculo 6. ſcribit Ioanni primæ Iuſtinianæ Illyrici Epifcopo: *Quia ſuſpecta Fratrum, & Coepiſcoporum noſtrorum relatio ad locum vos Sacerdotii totius Concilii unito conſenſu, & Sereniſſimi Principis voluntate d. clarat accerſiri, gratias Omnipotenti Deo magna cum exultatione retribuimus*: lib. 4. Epif. 8. apud Gratianum diſt. 63. Can. 9. Et eadem diſt. Can. 16. ita ſcribit Leo IV. Lothario Auguſto, & Ludovico eius Filio: *Veſtram manſuetudinem deprecamur, quatenus Colono humili Diacono Eccleſiam Reatinam regendam concedere dignemini, ut veſtra licentia accepta eum conſecrare valeamus Epifcopum*. Neque diſſimilis eſt Epiftoſa Stephani IV. ad Guidonem Comitem relata Can. 18., nec non altera S. Ivonis Carnoteniſis ad Hugonem Lugdunenſem Primatem in qua hæc habet: *Post Canonicam electionem Reges Apoſtolica auctoritate a conſeſſione Epifcopatum prohibitos minime videmus; Legimus enim ſanctæ recordationis ſummos Pontifices aliquando apud Reges pro electis Eccleſiarum ut eis ab ipsis Regibus concederentur Epifcopatus ad quos electi erant, interceſſiſſe, aliorum, quia conſeſſiones Regum nondum con-*

con-

consequuti fuerant, consecrationes distulisse.

Atque iampridem obtinuisse, ut electi in Episcopos consecrari non possent, priusquam consensus Imperatoris accessisset, apertissime declarant Reges Gothorum, qui Imperio Romano in servitutem redacto, in harum Electionum societatem honoris causa adscisciebantur; quo quidem pacto eorum potestas in prærogativam quandam confestim increvit, ut ius nominandi sibi solis assumerent, cæterisque omnibus nihil fere reliquum esset, quam ut nominationem reciperent (a). Nec id novum, inauditumque videri debuit, nam sicuti Gothi Reges in iura omnium Imperatorum Occidentalium successerant, Ecclesiasticam quoque, externamque politiam in se rite suscipere potuerunt. Hoc autem Principibus adeo conveniens, congruensque visum est ad ambitus, seditionesque declinandas, ut Athalaricus Antemium, Leonemque imitatus, Edictum a Cassiodoro compositum miserit Ioanni 2. qui an. 532. Petri Sedem occupaverat, quo Pontificum, Metropolitanorum, & Episcoporum electiones dirigebantur, Salvantioque Urbis Præfecto mandaverit, ut illud coram

D 2

Se-

(a) Marca lib. 8. cap. 9. 10.

Senatu Populoque Romano publicaret, tandemque in marmoreis tabulis ante Atrium S. Petri Apostoli collocandis ad memoriam hominum sempiternam inscriberet (a). Tantumque abfuit, ut Ioannes de edicto quereretur, ut potius illud magno cum obsequio, & observantia receperit. Quod facile quivis animo comprehendere poterit, siquidem vera est eius Epistola ad Iustinianum Imperatorem in Codicem relata, in qua eiusdem studium, ac diligentiam pro Ecclesiastica disciplina tantopere commendat (b). Uno verbo Grotius existimat (c) Gothorum Reges semper Episcoporum electiones in sua Potestate habuisse. Nec minus eos laudandos existimo, quod probe caverint, ut subditorum nullus Clericali Militiæ nomen daret regia inconsulta auctoritate, uti ea quoque de re multa supersunt fragmenta superiorum Imperatorum in Codice Theodosiano. Unde recte notat Christianus Lupus in *Dissertatione de regia nominatione*

Tomo

(a) Iuret. ad Cassiod. lib. 9. cap. 16. Cuiac. lib. 1. feud. tit. 17. Leges olim in atris Ecclesiae locabantur.

(b) L. inter claras 5. Cód. de Summ. Trinit. & Fid. Cath. Dubitant utrum hæc Lex *genuina* sit Hot. obs. 9. cap. 2. Alciar. lib. 5. cap. 23. Cuiac. obs. 32. cap. 25. Affirmat Pachin. contrav. lib. 8. cap. 8.

(c) Proleg. ad Hist. Goth.

Tomo III. Scholiorum præfixa cap. 6. Regium consensum esse perantiquum, & a Romana etiam Ecclesia probatum. Quapropter asserendum videtur, simul ac fidem Christianam Principes amplexi sunt, curam, autoritatemque in electionibus adhibuisse, non quidem ut ad se plenum ius conferendi, aut nominandi avocarent, sed ut consulerent, ne quisquam indignus ad Sacerdotium promotus Reipublicæ, aut Ecclesiæ leges, pacemque turbaret. Nam quousque Christiana fides metu Principum Ethnicorum delituit, inconsultis quoque Principibus, Sacerdotales dignitates ab Episcopis, assentiente Clero, Populoque conferbantur.

Pulsis denique per Narsetem ex Italia Gothis, cum Roma vetus iterum Imperio adiuncta fuisset, pariter obtinuit ut electus in Episcopum Romanum ordinari non posset, antequam Imperator in Personam electam consensisset. Cum Pelagius 2. iniussu Imperatoris Pontifex creatus esset, quod nemini ex Urbe quam Longobardi obsidione cinxerant, exire liceret, exinde misit Constantinopolim Gregorium Diaconum, qui pacarum Imperatoris animum in sua studia converteret; atque ipse postmo-

dum Pelagio suffectus, scripta Epistola ab Imperatore Mauricio petivit, ut electionem de se factam non approbaret.

Quando requirere cœperint Imperatores ut nihil sine eorum consensu fieret, incertum est. Arbitratur in notis ad Platinam Onuphrius Panvinus, quem sequitur Petrus de Marca, Iustinianum iussisse, ut electus a Clero, & a Populo in Episcopum Romanum non ante ordinari posset, atque administrationem Pontificatus suscipere, quam eius electio ab Imperatore Const. confirmaretur, ut certior fieret ipse Imperator de conditione novi Pontificis, cuius tum permagna esse autoritas cœperat, Imperatoribus præsertim ab Italia procul absentibus. Morem hunc a tempore Iustiniani pluribus sæculis ante fuisse usitatum adstruit Bernardus Van-Espen, & in eam rem adhibet ex Ioanne Diacono exemplum S. Gregorii primi, qui sane Iustiniano est longe posterior.

Quidquid de eius origine dicendum videatur, id profecto liquet, diu etiam post ætatem S. Gregorii necessarium fuisse Imperatoris assensum, ut invictissime eruitur ex Libro diurno, quem Garnerius edidit Pontificum Romanorum, in quo for-

mu-

mulæ relationis, de electione Pontificis ad Principem diserte exponuntur. Quod quidem in causa fuit, ut plerumque Romana Ecclesia multum, diuque Moderatore careret. Quamvis enim Constantinus Pogonatus petitionibus Ioannis Episcopi Portuensis id concessisset, ut ab ære solvendo pro confirmatione Pontificis Ecclesia Romana liberaretur, attamen Confirmationis necessitatem non modo non sustulit, sed veterem potius consuetudinem corroboravit.

Itaque, ut incommodis ex diuturna Pontificatus vacatione proficiscentibus obviam irent Imperatores, electionis confirmandæ authoritatem nonnumquam commiserunt Exarchis, qui Ravennæ morabantur, resque Italicas nomine Imperatoris administrabant. Quibus positis inferri optime potest, levatos fuisse Romanos onere mittendi Decreti Constantinopolim, sed expectare debuisse, ut electio per Exarcham, Legatumve Imperatoris probaretur.

Facultas confirmandi, aut etiam eligendi Ecclesiarum Præsules, qua Reges Imperatoresque usi sunt, videtur Thomassinò nixa quodammodo esse iure indulgentiæ, consuetudinis, & tolerantæ; mihi

tamen (eius pace dixerim) magis arridet opinio Virorum præclarissimorum , qui eam facultatem ex altioribus , firmioribusque publicæ æquitatis principiis repetentes in iure Principum proprio , nec aliunde quæsto fundamentum , & robur habere demonstrant .

Denique quod ad nominationis potestatem inferioribus Patronis concessam attinet , communis est eruditorum sententia , quod ab Ecclesiis rusticis originem nacta sit . Nam ut ad annuos redditus Ecclesiæ recens positæ constituendos allicerentur homines , ei qui pium istud , ac perutile facinus perpetrasset , ius nominandi , exhibendique idoneum quemcumque Clericum concessum est . Viam creditur huic praxi stravisse Concilium Arausicanum primum Can. 10. & Arelat. 2. Can. 36. a quibus hoc privilegium Episcopis primum tribuitur . Exinde omnibus Ecclesiarum Fundatoribus , eorumque hæredibus ab Iustiniano facultas data est , ex iure , quod vocant Patronatus , hisce ipsis Ecclesiis suos designandi Clericos : *Εἰ τις ἐκτὴριον οἶκον κατασκευάσῃ, καὶ βεληθεῖν ἐν αὐτῷ κληρικὸς προβάλλῃσθαι ἢ αὐτός, ἢ οἱ τὰτε κληρονόμοι, εἰ τὰς δαπάνας αὐτοῖς τῶς κλη-*

κληρικοῖς χορηγήσας, καὶ ἀξίως ὀνομάσας, τὰς
ὀνομασθῆντας χειροτονεῖσθαι διορίζουσιν (a).

Sed iam ad illud postremum defluxit oratio, quod de Metropolitibus, & Patriarchis singulatim dicendum superest. Igitur integrum non erat Synodo Provinciali manus imponere Episcopis *χωρὶς γνώμης τῆ Μητροπολίτου*, quod ipsi τὸ κύρος τῶν γινομένων adiudicatur (b). Id iuris non aliunde profectum videtur, quam ex Apostolorum institutione, qui Ecclesias ad exemplum Romani Imperii per Provincias distribuerunt (c), adeo ut iidem Ecclesiarum Orientalium, & Occidentalium fines essent, qui ipsius olim Imperii fuerant; unde accidit, ut Episcopi celebriorum Civitatum, quæ *Matres* a veteribus appellantur, ius quoddam eximium in cæteras Ecclesias acquirerent. Ac proinde Metropolitæ tam in Oriente, quam Occidente non diversam habuere usque ad octavum sæculum potestatem.

Proximum est, ut in Patriarcharum iura, ac privilegia inquiramus. Hinc, inde a Viris doctissimis de prima potestatis Pa-

(a) Novell. 121.

(b) Con. Nic. Can. 4. 6. 7. & Antioch. Can. 19. Synod. Laod. Can. 12. Carth. 2. Can. 12. Carth. 4. Can. 1.

(c) Con. Calch. Can. 17. & Syn. Quinix. Can. 38.

Patriarchalis origine disceptatur. Existimant Zonaras, Theodorus Balsamon, aliique recentiores Græci Patriarchas primum a Concilio Nicæno esse institutos eo Canone sexto, unde Bellarminus Papæ Primatum tuetur, Calvinus oppugnat. At veteres tantum consuetudines ibi confirmaverunt Patres Nicæni, quas eruditissimus Launoïus ita nobis ignotas esse animadvertit, ut in antiquis Romanæ, Alexandrinæ, Antiochenæ Ecclesiæ usibus nihil Patriarcharum proprium possit demonstrari. Inter privatos Auctores, qui Patriarcharum expresse meminerint, primus est Socrates, qui Historiam suam an. 440. immortalitati commendavit. Nec enim attendenda epis. 1. 2. 3. Anacleti, & Epis. Clementis ad Iacobum Fratrem Domini, quæ a Criticæ Artis Peritis inter apocryphas reiciuntur. Inde error superiorum Scriptorum in Comment. ad eundem Canonem 6. quod accidere solet iis qui a rerum gestarum origine quamlongissime absunt; quippe inter Concilium Nicænum, ac Balsamonem, Zonaramque anni circiter octingenti intercedunt. In re tam dubia, ac tenebris circumsepta illud emicat, non uno, eodemque tempore ubique locorum

con-

constitutam Patriarchicam Potestatem, nec unam eandemque in omnibus Ecclesiis, sed diversam fuisse pro varia locorum, Regionumque consuetudine, vel prout Regibus, & Conciliis maiora eis Privilegia placuit elargiri. Itaque Patriarcha Byzantinus tum primum a Concilio Oecumenico 2. constitutus Thraciam tantum regendam sortitus fuerat; at invalescente subinde Constantinopolis amplitudine, Asiam, Pontumque suæ addidit dominationi, Ephesino plane, & Cæsareensi Patriarcha libentissime conniventibus; quod posteaquam in consuetudinem abiit, deinde sess. 16. Conc. Calchedonensis confirmatum fuit, licet Romani Pontificis Legati mordicus repugnarent. Ecclesia iam bifariam dividi cœperat. Hic Byzantinus, illic Romanus Episcopus dominabatur. Utrobique diu cerratum est. Etiam si ille ad Patriarchatus fastigium nuperrime evectus secundum post Romanum Episcopum occuparet locum, ambitione tamen maximæ Civitatis, cui præerat elarus, his sese finibus contineri non patiebatur, quod Pontificiam præminentiam non tamquam ius Petri Cathedræ inhærens, sed Ecclesiæ velut Imperii Dominæ concessam prærogativam

vam respiceret. Roma interim orbata Cæsariibus, barbarorum manu sæpe capta, & miserrime prostrata, & afflicta eandem promereri gloriam Orientalibus amplius non videbatur; contra Constantinopolis ea ipsa saltem splendoris amplitudine digna esse, quia Civitarum omnium Romano nomini subditarum facile Princeps evaserat. Pluribus id Patriarchis tentatum Ioannes Concilio coacto confecit, in quo non sine Imperatoris, Patrum, totiusque Populi gratia nomē *Patriarchæ universalis* assumpsit (a). Id Roma ægre tulit; sed frustra. Nam, & acceptam auctoritatis notam obfirmato animo semper servavit, & ad successores transmisit. Hoc autem ita dictum volui, ut intelligatis quam longe, lateque dignitas Patriarchalis pateret (b).

Attamen præcipua Patriarcharum potestas in Metropolitanis omnibus ordinandis, confirmandisque posita erat; Eos autem a Synodo omnium Diœceseos Episcoporum ordinari oportebat (c). Itaque Romanus Episcopus in omnibus Italiæ Provinciis

(a) Nov. 2. 7. 16. 42. 3. 12.

(b) Cod. Leg. unic. tit. 2. H' ἐν Κωνσταντινουπόλει ἐκκλησία πᾶσιν τῶν ἄλλων ἐστὶ κεφαλὴ.

(c) Nov. 7. 131. Con. Calc. 22. 16. Theod. lib. 5. cap. 9.

ciis, vel saltem suburbicaria Dioecesi Episcoporum ordinandorum iure fruebatur. Usus est ea voce Ruffinus nullo servato discrimine, quod inter suburbicarias, & urbicarias Regiones a Viris eruditis est animadversum, qui suburbicarias dici eas, quæ non longe abessent ab Urbe adnotarunt, urbicarias vero, quæ Vicario Urbis obtemperabant. Non mediocris tamen est difficultas in earum assignandis exacte limitibus. Nonnulli Provincias suburbicarias non ultra centesimum ab Urbe lapidem protendi autumant, ut Viri omni eruditionis genere præstantissimi Gothofredus, atque Salmasius. Ille quatuor tantum Provincias enumerat, Thusciam suburbicariam, Picenum pariter suburbicarium distinctum ab annonario, Latium vetus, & novum. Alter Latium non dividit, sed quartam Provinciâ addit Valeriam. Scite inferunt alii ex Rescripto Valentiniani, Valentis, & Gratiani ad Amperium eas omnes esse suburbicarias, quæ in Vicariatu Romæ, non autem Italiæ sitæ essent, ut doctissimus Sirmondus, cuius sententiam plerique sequuti sunt. Quænam illæ sint, habetur ex *Notitia Imperii* edita apud Baronium ad annum 1057. videlicet Campania, Thuscia,
Um-

Umbria, Picenum, Sicilia, Apulia, Calabria, Brutii, Lucania, Samnium, Corsica, Valeria, quæ aliquando cum Samnio confunditur. In his omnibus absolutam Romanus Pontifex habuit potestatem. Profecto in cœteras etiam Ecclesias Imperii sui vires extendere satagit, ideoque variis in locis Vicarios, & inter alios Theſſalonienſem inſtituit; nihilominus in nullas alias Provincias ordinariis iuribus Patriarchicis cum uſum eſſe dignoſcitur, eo quod nullibi gentium, excepto Romæ Vicariatu, Metropolitanos aut Episcopos ordinaverit. Quo circa non probe Hiſtoriam, aut Canones perpendiſſe videntur, qui docent Regionibus ſuburbicariis univerſum Romanum Imperium, aut ſaltem Occidentem reſpondere.

Quod cum diffiteri nequeant, qui proprium Pontificis privilegium id eſſe volunt, ut Episcopos, aut Metropolitanos nuſquam non ordinet, cum Orientis Patriarchas, & Occidentis Episcopos non ordinasse dictitant defectu voluntaris, non potestatis; quaſi vero iura Pontificis aliunde, quam a conſuetudine, & Canonicis conſtitutionibus deſumi poſſint.

Hic porro commemorasse iuſerit Pal-

lii

lii collationem, fontem potentiae Papalis uberrimum, ac pervulgatum. Initio fuit hoc simplex Imperiale ornamentum instar Chlamydis, ab Imperatore per se, vel eius consensu Patriarchis, & Metropolititis collocatum. Proinde non iniuria Baronium redarguit Edmundus Richerius, quod retrahendo quæ posteriorum sæculorum sunt propria, Pontificum esse, non Imperatoris dare Pallium Episcopis frustra præsumat. Persuasum quidem fuit compluribus sæculo 9. & seq. hoc quoque inter alia decoris insignia tributum Sylvestro Papæ in ea celebri Constantini donatione, quam trecentos post annos a Stephano 3. Leo 9. qui in sapientum virorum numero habebatur, adferre non dubitavit, cum iustiores possessionis titulum exhibendum haberet. Veruntamen haud legitur, ante Innocentium 3. necessitatem impetrandi a Pontifice hoc ornamentum impositam (a). Nec temere quidam cogitant Pallium primitus a Pontifice traditum in signum Vicariatus Romanæ Sedis, una cum præeminentia, ac potestate coniuncta, ut per eam Palliorum sæpius repetitam postulationem Metropolitans arctiori vinculo obstrictos ad obe-

(a) S. Thomæ. part. 3. lib. 1. cap. 24.

obedientiam compellerent: cum enim Pallio solis Patriarchis uti liceret, Metropolitani, qui eo donarentur, non immerito vices sibi repræsentare videbantur Romani Pontificis, cuius tamquam Patriarchæ Occidentis proprium illud censebatur esse ornamentum. Deinde Palliorum dationi Pontifices adiungere condiciones admodum graves, quæ Metropolitæ Pontificiæ Sedi magis devincerent: ex. gr. quod ante illius receptionem nullas Pontificales obire possent functiones, quas mox a consecratione, nullo habito respectu Pontificii consensus, libere exequiebantur. Valde igitur verosimile, veterem Pallii formam Imperiale ornamentum præferentem sensim in aliam, ac tandem in hodiernam a pristina omnino diversam fuisse immutatam, postquam Romani Pontifices Pallium independentem a consensu, & benignitate Imperatorum communicare cœperunt; magis enim congruum, ut sacræ vestis formam exhiberet, ita ut ab omnibus tamquam Pontificale ornamentum reputaretur.

Prætermittenda non est altera nec minus vera temporalis Pontificiæ magnitudinis, ac propterea potestatis in cœteros omnes Episcopos Epochæ, nempe hæresis

1co-

Iconoclastica, cui Leo Isauricus, eiusque Filius Constantinus Copronymus imprudenter admodum adhæserunt. Eo enim tempore publicis turbatis rebus ea maxime increvit. Huc accedit, quod vita functo Aistulfo, cum Dux illius Desiderius Longobardicum Regnum favente, atque opitulante Pontifice adeptus esset, idcirco postea grati animi testimonio Pipini donationem adauxit, & confirmavit.

Necesse etiam est, ut primoribus labris nonnulla delibemus de Collegiis Religiosis, seu Monasteriis, quæ per magno Ecclesiasticis opibus incremento fuerunt. Monachatus in Ægypto ortum habuit an. ferme 300. (a) eo ipso disciplinæ systemate, quod modo etiam iis in Regionibus viget: Romamque ab Athanasio asportatus a paucis benigne est exceptus usque ad annum 500. quando scilicet Divus Benedictus illum late undequaque diffeminavit. Interea Monachi sibi ipsi creabant Abbatem, qui bona cum oblata, tum propriis ipsorum parta laboribus, agrorumque cultura gubernaret. Sed cum Transalpinæ Abbatæ magna iam essent posses-

E sio-

(a) Cassianus opinatur, vel ante id temporis floruisse in Ægypto Monachos.

sionum dote locupletatæ, ideo Abbatum eligendorum facultatem sibi sumpserunt Aulæ Regiæ Magistri, quia potissimum Monachi tunc forent Laici, Ordinumque omnium Ecclesiasticorum expertes. In Italia vero cum nullæ usque ad annum 750. extarent Abbatia divitiis adeo præstantes, eas Gothi Reges, Imperatores, ac Longobardi despexerunt, ac proinde pristina electionis ratio permansit. Quapropter Episcopi, qui rei familiari, splendorique augendo sedulam operam dabant, Monasteriis nimis erant graves, atque molesti (a) ob eamque causam Monachi simul, & Abbates ad Romanum Pontificem confugerunt, ut ab Episcopali auctoritate subductos in suam reciperet fidem. Idque non ægre a Papis concessum (b); Ex iis ergo omnibus, quæ in hac secunda disceptationis parte hætenus diximus, colligere est, quod etiam si Ecclesiæ Occidentis diutissime permiserint Laicis ius eligendi, Principibus, Cleroque longe maius quam Populo fuit privilegium, ita ut Episcopis facile sæpe fuerit, eundem

(a) Episcopi tunc præsertim dominari nimis absolute, damnosque coeperunt, cum circa an. 500. trientem ex assē Ecclesiastico libere dispensandum sortiti sunt.

(b) Quid de hac innovatione senserit Divus Bernardus colligi potest ex lib. 3. de Cons. Cap. 4.

dem pariter ab electione Præbyterorum, Diaconorum, aliorumque Ecclesiæ Ministrorum fere expellere, solique Principi, vel Magistratui integram conferre nominandi provinciam, ut in eorundem Episcoporum electionibus iam usuvenerat.

Sequitur, ut tertiam prosequar Instituti mei partem, periculosa quidem plenam alex, ita ut quæ potius dicam, quæve omittam non bene noverim; prælucente tamen veritatis face pulcherrima, a qua me numquam discessurum profiteor, reliquas electionum vicissitudines, contentionesque sub Imperio Byzantino, & Carolingica stirpe excitatas diligenter quantum potero percensere contendam.

Canone igitur tertio Concilii Oecumenici 7. electiones illæ damnatæ fuerunt, quæ temporalium Principum auctoritate celebrabantur, Canone Apostolico in eos innovato, qui ad Episcopales Sedes Principum favore conscenderent. Summa auctoritatis in eodem Concilio Episcopis vindicatur, ut electionibus præsent, nec Cleri, Populi, Principisque consensum conterant, sed pruden-

tia regant; & moderentur; alioqui Patronatus Laicus hoc Canone destrueretur, qui longe antiquissimas, & altissimas in utraque Ecclesia radices egerat. Nec minus in eandem rem perspicui sunt Canones 5. 12. & 22. Oecumenici VIII. Concilii quemadmodum in Methodii, & Ignatii Electionibus demonstratur. In ipsis enim Imperatoriam potestatem cum Episcopis, Senatu, Clero, Populoque mirifice conspirasse aperte intelligitur, de qua re doctissimus Petavius lib. de Hierarch. Eccles. Tomo 3. dogmatum Theologorum egregie de more differit, ut ab Episcopis, aut una etiam a Clero eligerentur Antistites, recepta per omnes Ecclesias Canonum Decreta sanxerunt; ut autem in iis renunciandis Laicorum etiam suffragia locum haberent, in Occidente potissimum Lex, & consuetudo iubebat. Hanc auctoritatem frustra Bellarminus infringere conatus est, quasi istiusmodi popularis electio, tantum ex Romani Pontificis conniventia fuerit ad breve tempus tolerata. Insuper clarissimus Vir addit in Oriente etiam Clerum, Populumque (a) in Electionibus exclusum non fuisse,

(a) Usitatum pluries in Ecclesia fuit ut Populus aliquem pos-

fuisse, exemplum adferens ex Synefio Cyrenes Episcopo, sua quidem sententia adeo inconcussam, ut existimet nusquam inveniri posse in creandis Episcopis, ac Popularibus Comitibus celebrandis antiqui moris luculentius, clariusque vestigium: Quapropter mirum est, quomodo Bellarmino persuasum fuerit illam, quam exposuimus consuetudinem, nec diuturnam fuisse, nec in Ecclesia universa receptam, cum præsertim omnis eius sententiæ antiqua Historia adversetur. Quod enim attinet ad decreta Nicænæ primæ, Laodicenæ, & Constantinopolitanæ Synodi, quibus aliud constitutum videtur, vel ipse Petavius dubitat, an ex illorum Canonum verbis accurate perpensis satis probari possit Populo fuisse penitus ius illud creptum (a).

E 3

II-

Aularet eligendum. Antiquitus non multum discrepabant electio, & postulatio maxime eo tempore quo Plebis consensus in Episcopi electione adhuc expectabatur dist. 16. cap. 12. cap. 16. dist. 61. cad. 1. dist. 62. Præcipue autem postulare dicebantur, qui ex aliena Parochia, vel Dioecesi electi erant, quod sine Episcopi licentia fieri non poterat teste du Cinge in gloss. voc. postulare. Novum deinde postulationis genus invaluit, scilicet postquam aliqui electi fuerint, *Canonicis qualitatibus destituti*, postulatio dicta est illarum capituli petitio pro admittendo qui secundum Canones admitti non poterat prævia auctoritate, & dispensatione Superioris intercalente. C. 23. X. de elect. & elect. potes.

(a) Si quis de populi potestate maiora adhuc desideret, consulat opus Mar. Antonii de Dominis de Rep. Eccl.

Illud interea exploratum est, electiones aliquando ab Imperatoribus ex eorum voto fuisse celebratas, ex quo Nicephorus Imperator Lege lata quemquam eligi vel Episcopum ordinari citra Imperatoris assensum prohibuit (a). Verum ea Lex omnibus quidem invisa fuit; nam Polyuctus Patriarcha non ante adduci potuit, ut Ioannem Zemiscem Imperatoriis ornamentis indueret, quam ea Lex ab eodem abrogaretur. Nec alia ratione *exautoratus* Alexis Patriarcha invenitur, quam quod eam Sedem non Episcoporum suffragiis, sed una Basilii Imperatoris voluntate occupasset. Ex quo evidenter eruitur, illos a sacris dignitatibus deiectos fuisse, qui nullis Episcoporum fulci suffragiis Episcopales Cathedras obtinerent.

Quod si tam incorrupta libertas vigeat in Constantinopolitani Patriarchæ electione, licet Episcopatus ille inter Imperii Orientalis dignitates excelleret, electioque ante ipsius Imperatoris oculos celebraretur, quid cogitandum de cæteris Episcoporum Ordinationibus longinquis in Regionibus habitis? Antiochena Ecclesia quadraginta annorum spatio viduata Pastoribus

(a) Cedrenus pag. 658.

bus, eo quod Sarraceni Tyranni electiones impedirent, nullatenus vidit fulgorem aliquem libertatis, cum Sarracenorum Imperator Stephani cuiusdam Monachi amore inflammatus Antiochenis deligendi sibi Patriarcham potestatem concessit, dummodo hunc Stephanum designarent (a). Ex quo intelligitur, primo aliquando Ius Patronatus, & nominationis ad beneficia ad Ethnicos, & Hæreticos devolvi passam esse Ecclesiam, necessitate exigente, charitatis, & indulgentiæ causa, ne Religio pro temporis conditionibus prostrata & afflicta destrueretur omnino, secundo non nihil loci electionibus fuisse, vel in media infidelium colluvione atque barbarie; (b) tertio quæ fiebant ab his Principibus electiones non eas esse, quæ libertatem prorsus everterent, quamvis in arctiores sane limites compellerent; postremo si Ecclesia humanitate, indulgentiaque in Principes barbaros usa fuit, multo id magis facere posse erga Christianos Principes, si quando potestatem ipsi suam non iis prorsus finibus circumscripserint, quos leges Canonesque statuerunt.

E 4

Hu-

(a) Cedr. pag. 460.

(b) Thomaf. part. 2. lib. 2. cap. 16.

Hucusque penes Episcopos præcipue, addito quodam Populi desiderio, Principisque consensu electiones fuisse vidimus; verum posterioribus sæculis longe a veteri dignitate disciplina deflexit. Nam Balsamon sæculi XI. & XII. mores exponens ait, quod etiam si Iustiniani Constitutio maxima ex parte in defuetudinem abiisset, attamen illud adhuc supererat, ut ab Episcopis tres designarentur, quorum dignissimum Metropolitanus seligeret; similiter, & in Metropolitanæ electione è tribus propositis unus a Patriarcha consecratur, atque ex electiones plerumque Constantinopoli celebrabantur, eodem adstante Patriarcha, ac Metropolitanis compluribus, qui sæpe arctissimas residentie leges prætergredi non dubitabant (a). Illud autem magis mirandum, quod ut Balsamon ait, Metropolitanus ab Episcoporum electione prohibiti fuerint, cum non eos adesse tantum, sed & aliis præi-

(a) De Episcoporum residentia certatum acerrime fuit in Conc. Tridentino. Residenti munus repetebant ex iure Divino quæmplurimi Concilii Patres. Refert ex Caietano Fagnanus ad cap. de Cler. non resid. num. 21.

„ Nullus antiquorum contradicebat quin Pastores Animarum tenderent præcepto Divino ad personaliter residendum „

Patendum tamen est posse Episcopos interdum abesse, præsertim exigente Ecclesiæ utilitate. Ideo Tridentina Synodus nonnullas absentiae causas comprobavit.

præire debere Canones decrevissent. Verum huius consuetudinis ratio hæc reddi potest, quod quotiescumque Populus, Clerus, & Episcopi ad electiones celebrandas incumberent, illis necessario præficiendus erat Metropolitanus; At postquam circa XII. sæculum desit Clerus, Populusque convocari, & Episcopi tres Metropolitano nominarunt unum ex iis designaturo, tum æquum amplius non fuit, ut Episcoporum conventui ipse interesset. Addit etiam Balsamon Episcopos omnes in Urbe degentes vocatos fuisse, electionemque unius tantum absentia intermissam. Quod sane non video qui cum priscis Canonibus constare possit, qui quamvis Episcopos omnes expeterent, tres tamen sufficere decreverant. Sed hæc rursus erant corruptæ Græcorum Ecclesiæ vitia. Constat itaque permagnam Episcoporum auctoritatem fuisse, siquidem eo pervenere, ut Clerus Populusque iure quod iam per mille annos habuerant, tandem penitus exuerentur.

Patriarchæ vero Constantinopolitani electio post annum Christi millesimum a veteri more recessit. Etenim post Patriarchæ obitum, nullus Episcopus ad eam accedebat Ecclesiam, ne præstantissimam illam Sc-

dem

dem ambire videretur (a); solus Imperator Episcopos omnes sic convocabat, ut tres eligerent, ex quibus unum ordinari Patriarcham ipse Imperator iubebat, tamquam a Sanctis Patribus (ut pia nonnullorum sententia fert) hanc potestatem nactus, mediante Sacro Chrismate, quo inungebatur. Unde autem nova hæc eligendi ratio ortum habuerit, haud tam facile coniecere possumus. Hoc tantum statuerat Iustinianus, ut ex tribus iis a Clero populoque exhibendis digniorem Metropolitanus præferret, ideoque nova methodus ab eodem minime repetenda. Præterquamquod Synodus Occumenica VIII. non adeo illis succensa fuisset electionibus, in quibus Imperator plus æquo sibi tribuebat, si ea iam tum invaluisse consuetudo, ut Imperator Patriarchatus Constantinopolitani per pedum, pallium, Crucemque daret investituram. Tradunt itaque Zonaras & Cedrenus, quod anno circiter 963. inter Patriarchas, & Episcopos dissensione suborta super iure modoque electionis, ea capta occasione Nicephorus Phocas vetuit, quominus præter suum consensum Episcopi Ecclesiarum habenas capefferent. Hinc opinor

(a) Simeon, Theol. G. 9.

nor, huius novæ disciplinæ exordium. Nicephori postmodum successores neque transmissam iurisdictionem penitus remittere voluerunt, neque adamussim iis omnibus iuribus pertinacius adhærere, quæ ipsis aliquam ignominia labem afferre facile potuissent. Quocirca in hoc convenerunt, ut Episcopi tres proponerent, Imperatores vero unum ex illis Ordinandum eligerent. Interea cum summi Constantinopolis Imperantes cœdes, interneciones, dolos, simulationesque molirentur, aut futilibus Theologicis vacarent quæstionibus, potius quam publicæ felicitatis legibus conservandis, Imperium veteres florentes vires decusque amittere occœpit, adeo ut Græci malis artibus pessimæque administrationi indignantes auxilium pro Alexi iuniore a Latinis efflagitaverint, qui suppetias profecti eisdem oppressos, ac profligatos inditionem redegerunt. Sed ne id quidem prospere cessit, ut electionum libertas aliquantisper restitueretur. Nam teste Gregorio Acropolitano Imperatores proprio nutu, atque arbitrio Patriarchas eos designabant, quos aut ambitio, aut quædam ingenii stupiditas illorum obsequi studio, & voluntati coge-
bat. Attamen haud longum diuturnumque
sibi

sibi compararunt Imperium. In maritimis enim Civitatibus clausi alienum auxilium petebant; sed cum per totam fere Europam bella, factiones, ac dissidia flagrarent validissimum defensorem, propugnatoremque neminem invenerunt; Quadere, desperatis rebus, Latinisque metu perterritis, Græci, qui finitimis in Regionibus domicilium, novosque Principatus posuerant, Imperium denuo recuperarunt. An vero tunc religiosus electiones celebrarentur, non parum ambigitur. Georgius Pachymeres Michaelis Paleologi gesta elegantissime enarrans nullum electionis, vel Episcopatum suffragiorum vestigium indicavit. Etenim cum nimis asperæ, & diuturnæ forent dissensiones Patriarchas inter, & Imperatores, omnis ideo electionis regula, ritusque obsoleverat.

Hic priusquam Græcorum electionibus finem imponam, non abs re penitus alienum esse arbitror nonnulla de Græcorum Schismate dicere, utpote quæ ad nostri temporis electiones explicandas maxime prodesse possint. Illud autem ex eo ortum est, quod Constantinopolitanus Patriarcha ob insanam dominandi lubidinem Romanum Pontificem dignitate antecellere exopta-

ta-

tabat. Iam sub Imperatore Theodosio in Conc. Constantinopolitano quæstio decisa fuerat, nihilominus novi semper quidpiam Patriarchæ moliti sunt; præsertim vero rem studio conatuque rursus aggressus est Photius, qui tamen intelligens numquam se tantum honoris fastigium assequiturum, *εξ ἀπορίων* suas cogitationes omnes convertit. Multa deinceps perpeßus est, exilioque demum mulctatus obiit. Verum, etsi eius interitus schisma sedaverit, extinguere certe non potuit. Imo renovatum sæpius fuit donec Balduinus Imperio potitus Latinum Patriarcham eligi iussit, qui cum Romana Ecclesia societatem iniret. Fœdus exinde rupit Paleologus Imperator an. 1261. & in Florentino Concilio sub Eugenio iv. an. 1439. denuo percussus est; cuius quidem initium, & fundamentum cum in solo Latinorum auxilio, quo Græcus Imperator indigebat, positum esset, hinc accidit, ut ab universo Imperio reprobaturum ex templo rescissum fuerit.

Haftenus de Imperio Græcorum. Nunc cœtera, quæ de electionibus ævi Caroli Magni principio polliciti fuimus, prosequamur; Itaque Carolus Magnus, postquam bellum Saxonibus intulit, totidemque

que victorias adeptus est, quot praelia commisit, ea quæ Atavi Romanæ Sedi largiti fuerant, sibi tantum relicto summo quodam proprietatis iure piissime confirmavit; (a) Romam deinde profectus, ut eius Liberi Pipinus, & Ludovicus Longobardorum unus, & alter Aquitanix Reges a Pontifice consecrati salutarentur, Imperiali Corona, & ipse a Leone III. Pontifice donatus, Francofurtensi Concilio omnium, quæ in Occidente habita sunt celeberrimo præfuit. Novum Legum systema in eos omnes, quos Imperio suo subiecerat Maguntix sancivit, Capitularia præstantissima Aquisgranensia confecit, quorum pleraque a Ludovico XIV. renovata fuerunt, summus vere Imperator, cum Alexandro, & Antoninis etiam conferendus, nisi immoderatae eius largitiones, nefariæque in victos crudelitates dedecore quodam illius nomen afficerent. Animum deinceps ad Ecclesiasticas res accuratius convertens, rerum civilium perturbationes consecutam quoque fuisse perspexit Ecclesiastici Ordinis, & electionum maxime disciplinam, ut propterea de

pri-

(a) Id manifestissime evincunt ea, quæ Romæ cuditi nominata, nomenque suum in publicis aedibus inscriptum, Imperante Domino nostro Carolo.

pristina restituenda Ecclesiis dignitate sedulo cogitandum intellexerit.

Ineunte sæculo VIII. cum Carolus Martellus Ecclesiastica bona invasisset, pro lubitu Episcopatus quoque conferebat. Imo electionum arbitrium eo pervenerat, ut nulla ratione habita Episcoporum scientiæ, Laici etiam Episcopatibus fruerentur. Carlomannus Martelli filius Concilium in Germania coegit, pulsisque Laicis ab Episcopatum possessione, consilio Sacerdotum, suorumque Procerum Episcopos ordinari iussit. Pipinus alter Martelli Filius tali pacto se gessit, ut ex priori colluvio emergere cœperit Ecclesiastica disciplina, Episcopis iuxta Clotarii Regis edictum, formulasque quæ sunt apud Marculfum, arbitrio nempe Principis, Procerumque consilio, constitutis. Nec Carolum Magnum eo quod impulsu Hadriani Pontificis Clericis, Civibusque liberam eligendi potestatem reliquerit, huic iuri renunciavisse putandum est. In solemnibus enim Aquisgranensibus Capitularibus, quomodo Episcoporum Ordinationes iniri debeant, consulto forsan omittit. Sunt qui arbitrantur Carolum auctoritate Romanæ Synodi commotum electionum minus neglexisse. Verum cum huiusce Synodi

di mentio primum facta fuerit a Sigiberto Gemblacensi in Cronico ad an. 773. & alia ex parte cum pro certo habeatur Henrici Imperatoris studiis eundem favisse, nonnullis idcirco argumentis Baronius illud Concilium purum eiusdem commentum, inventumque fuisse conatur ostendere. Si tamen Petro de Marca fides habenda Sigibertum in errorem Cronologicum duntaxat incidisse videbimus. Nam ut ad Regni Caroli exordia apte congruenterque referret Imperatoris iura, quæ tunc temporis in disceptationem cadere cœperunt, Romam denuo ipsum venisse post captæ Papiæ tempora dedita opera finxit. Cum autem concessio ista Leonis VIII. Pontificis testimonio nitatur, cuius quidem constitutio ad Othonis I. benevolentiam captandam in Romana Synodo primum edita apud Gratianum, ac Theodoricum Nihemum relata invenitur, frustra Baronius illam quoque falsitatis arguere præsumit.

Illud autem asserere minime dubitamus, Ludovicum eius Filium pristinam fere electionibus dignitatem reddidisse (a).

Ha-

(a) Cip. 86. lib. 1. capitu. Abbas Ansegisus huc Ludovici Capitulare an. 816. cum illo confundit, quod Carolus Magnus edidit

Habetur certe in annalibus Eginardi (a) Drogonem, consentiente Ludovico libere creatum fuisse Metensem Episcopum.

Illud vero hac in re libenter animadvertimus eundem præcepisse, ut in posterum electiones gratuito peragerentur. Nam innumeris aliis pestibus, atque flagitiis, quæ per integerrimam, scelerisque puram Ecclesiam pervaserant, hæc etiam tam priscais regulis adversa, ac primum (ni fallor) a Gothorum Regibus introducta consuetudo est annumeranda. Etenim cum Episcopos ipsi confirmandos suscepissent certam pecuniam, quæ antea in Pauperes erogabatur, in ærarium publicum contulerunt. Quodquidem cæteris Imperatoris usque ad Constantini Pogonati tempora obtinuit (b). Perspicuum autem est omnibus, quam graviter acerbeque veteres Ecclesiæ Patres præsertim Gregorius, (c) & Basilius

F ne-

derat an. 779. sicuti doctissimus Sirmondus ostendit Tomo 3. Conciliorum Galliae. Haec autem distinctio lucem electionibus adfert a Carolo celebrata. Hincmarus T. 2. illud Carolo, & Ludovico simul adscribit.

(a) In annalibus ad an. 833.

(b) Nov. 123. Inlilianus usum tantum Enthronificatorum approbavit. Ut vocis huius explicatio intelligatur sciendum est ab Episcopis ordinandis certam pecuniae summam Archipresbytero sive Archidiacono Ordinatoris e more solvendam fuisse.

(c) Lib. 8. epist. 110. ad Syagr. dist. 100. cap. novit. & Cap. sicut Episc. c. 1. q. 2.

nefandam istiusmodi avaritiam obiurgaverint. Verutissima etiam Apostolica Constitutio iubeat, ut qui munus ope sacras dignitates obtinuisse, *deiceretur ipse, & Ordinatus eius, sicut Simon Magus a communione modis omnibus abscinderetur*. Tandem Concilium Calchedonense Can. 2. depositionis, & anathematis poena in eos omnes sancita, qui eius turpitudinis rei deprehenderentur pristinam disciplinam revocavit. (a)

Sed ut ad propositum revertamur videndum a nobis est, an restituta ab Imperatore libertate electionum, Regius simul consensus defecerit. Drogonis exemplum quid ea de re sentiendum sit, quodammodo edocet. Verum ne validiori argumentorum pondere nostra destituatur assertio, nonnullas summorum hominum, Conciliorumque auctoritates ad id maxime aptissimas afferam. In Concilio igitur Aurelianensi Imperatoris assensus fuit comprobatus, & a Floro Magistro eius memoriae Scriptore idem asseritur in fragmento quodam, quod Papius Massonius. Baroniusque ediderunt. Concilii vero vi. Parisiensis Patres Can. 22. Imperatorem prudenter admodum monue-

(a) L. A quemquam Cod. de Episc. & Cler.

nuerunt, ut omni studio, diligentiaque in Episcopis constituendis uteretur. Quoad Italiani Petro de Marca est annuendum, qui electionem quoque Romani Pontificis Imperio Principis subiectam fuisse testatur (a) quidquid ante illum Scriptores contra putaverint (b). Præterea si muneribus, pecuniave illecti Clerici, aut Laici aliquem elegissent, Visitator Episcopus certiores Regem faciebat, ad quem eligendi, seu nominandi ius tunc sæpe redibat (c).

Nec minus quidem moderate, sapienterque, Thomassino teste, Principum potestas cum electionum libertate sub Carolo Calvo, eiusque successoribus coniuncta fuit. Nam Galliarum Concilia, nonnullæque Pontificum Romanorum Epistolæ veluti Leonis VIII. (d) Regum consensum perspicue confirmant. Id etiam pro certo habendum sub Carolo Calvo Abbates Parochos, nobilesque electionibus interfuisse,

F 2 fe,

(a) Vide Henault, Abregé de l'Histoire de France T. 1. p. 176.

(b) Videtur certe ineunte tempore Ludovicus Papis veniam dedisse, ut absque illius consensu consecrarentur, ideoque Sergius 2. ordinari se veluit, antequam Imperator electionem confirmavisset. De hac Imperatoris concessione vide Paiquier.

(c) Huius visitatoris Episcopi officium ex Africa primum petiit, quemadmodum ex Concilio Chart. iv. Can. 1. & 8. demonstratur. Illius munus a Gregorio lib. 2. Epist. 19. describitur.

(d) Epist. 878. ad Anpertum Abredunensem Episcopum,

se; verum Thomassinus eo rem perduxit, ut Enacæ Parisiensis Episcopi electione Ecclesiasticam libertatem roborari sit ratus, cum tanquam insigne Palatinæ ambitionis exemplum a Lupo Ferrariensi eadem referatur. Qui autem pertexere aggressi sunt Historiam Eutropii (non ipse Eutropius, ut P. Daniel asseruit) in eâ soli sunt opinione, ut arbitrentur Carolum Calvum beneficium inaugurationis remuneraturum ultro remisisse præsidendi electionibus facultatem, & quidquid iuris in Beneventum, Spoletumque obtinebat, in Pontificem contulisse. Fatendum tamen cum Imperii sui Epocham libenter desumpsisse ex ea die, qua ipsum Regem Pontifex inauguravit; quod sane Pontificibus summopere profuit. (a)

Sub reliquis Carolinis Principibus onus requirendi Regium consensum permanfit. Eius rei fidem facit Papæ Ioann. x. epistola ann. 921. ad Herimanum Coloniensem scripta (b) Artaldus Rhemenfis Episcopus apud Hodoardum, atque Gerbertus epif. 85. ad Verdunensem Ecclesiam. Imo consuetudo hæc pariter sub initiis III.

re-

(a) Con. gener. Labb.

(b) Vide tom. III, Concil. Galliae.

Regum Dynastiæ constantissime vigit, (a) etiam cum electiones a capitulis Cathedralium peragi cœptæ sunt. Philippus enim Augustus in transmarinam expeditionem profecturus, Provinciarum curam Matri, ac Vuillelmo Rhemenfi Archiepiscopo demandavit, ea lege, ut Capitulis facultatem creandorum Episcoporum libenter tribuerent. S. Ludovicus & ipse ad bellum iturus parem Matri potestatem concessit. Pragmatica autem sanctio *Reservationes* tantum, & *expectativas* abrogandas curavit. Bituricensia Comitibus Principibus, eorumque consanguineis permiscere, ut eos præferrent in electionibus, qui sedulam pro Reipublicæ utilitate operam collocaverant. Reges in posterum, datis Epistolis commendatitiis, certos quosdam constituerunt, qui electionibus præsiderent.

Basileense postea Concilium, ex quo Gallicana Ecclesia suam sibi Pragmaticam effinxit, omnibus sive Cathedralium, sive beneficiorum reservationibus vehementer obstitit. Huic sanctioni Pontifices vicissim sunt adversati. Sed *Parlamentum* illam adeo propugnavit, ut neque Ludovico xi.

F 3

qui

(a) Vid. Decretum electionis Arnulfi in Episcopum Rhemensem an. 989.

qui de illius abrogatione consenserat obtemperari voluerit. Iulius II. Concilio Lateranensi coacto, omnes Pragmaticæ defensores Romam evocavit. Post illius obitum, Legati, quos Romam miserat Ludovicus XII. Concilii ipsius acta suspende-
runt, ac paulo post accidit ut Leo X. & Franciscus I. concordibus studiis foedus Bononiæ ferirent. (a)

Quamvis vero per *concordata*, beneficiorum omnium nominatio ad Regem pertineret, Pontifex Britanniam, Provinciamque sub hac lege minime contineri credidit, quod cum Pragmatica fieret, Regno non suberant. Quapropter Leo X. ad Concistorialia harum Provinciarum beneficia, Clemens VII. quoque ad Abbantias, & Episcopatus, quorum Capitula peculiaribus eligendi privilegiis fruebantur nominationem indulxit. Hæ Bullæ sæpius in posterum renovatæ fuerunt, ac tandem Ludovicus XIV. impetravit ut ad omnium victarum gentium Abbantias, & Episcopatus nominaret.

In-

* (a) Qui videre cupit omnes electionum regulas, atque Statuta Pragmatica iniuncta adeat opus utilissimum sic inscriptum „Loix „Ecclesiastiques dans leur ordre naturel par Hericourt „ In quo summadvertere poterit plerosque canones cum decretis Inn. 3. & 4. Bonifacii 8. Menorii, & Alexandri 3. Gregorii 9. mirifice convenire,

Interea observatu dignum est Episcopos in electionibus longe alios antecessisse, quandoquidem præter quam plurimos Hincmari conatus, progressusque in libertatibus electionum tuendis, Episcoporum auctoritas lege (a) etiam Imperatoria innitebatur. Quapropter bene factum puto eximiæ huius Episcopalis potestatis causas inquirere, cum ex istiusmodi investigatione altius repetita electionum materies illustrari commode possit.

Itaque Episcopi nascente Francorum Imperio, non modo Religionis præsides, verum etiam Civium Principes habebantur, & idcirco popularium consiliorum, ac deliberationum compotes erant, atque participes. Exitium, ac perniciēs totius Romani Imperii solutas, liberaſque gentes compulerat, ut aliquem ſibi metiſſis Ducem crearent. Galli ſervitutem ſimul, ac impietatem pertimeſcebant. Dum hæc cogitant, Chlodovæus eximius ſane Princeps bonis omnibus viſus eſt, Idolis quidem tunc primum addiſtus, ſed minus quam Arianorum hæreſis metuendus. Nam Idolatria a ratione

F 4 mo-

(a) Carolus Magnus in cap. ſic iuſſeret „ In electione Episcoporum
 „ conſenſu Regis ſit non electio, in Episcoporum vero exequiſ ſit
 „ electio, ſicut & ordinatio „.

morumque integritate penitus absfona iam mole sua ruens ad Occasum vergebat, ideoque facilius Idolatræ, quam Ariani Principis ad veram Religionem conversio expectari poterat. Quibus rebus probe perspectis evenit, ut Ecclesiastici, opibus, & auctoritate potentes benevolentiam, honoremque veluti Principi debitum Chlodovæo libenter præstarent; ac vicissim Chlodovæus gratus, liberalis, comisque esset in eos de se optime meritos clarissimos, atque dignissimos viros. Exinde, ni mea me fallit opinio, profectum est, ut in Galliis Episcopi tam valida auctoritate pollerent. (a) Neque minus tamen in Germania bene semper sunt habiti. Incredibile enim dictu est, quantum Germani Imperatores illis tribuerint, quod ita subditorum fidem, & obedientiam diuturnam, firmamque fore duxerunt: Quare in Regionibus, quas armorum vi superaverant, statim Episcopos constituiebant. (b) Quapropter summa erat Clero, Populoque cum Principe voluntatum, studiorum, sententiarumque consensus. Porto Colonienſe Concilium ann.

887.

(a) Conc. Varentinum an 855.

(b) De hac auctoritate Episcoporum simul, & modesta egregie præcoeteris diſſecit Thomas Bilſonius in libro, quem inſcripſit „ de perpetua Eccleſiæ gubernatione „.

887. a Clero Mendenſi electum fuiſſe Epiſcopum Drogonem Presbyterum perhibet; Divumque Heribertum Colonienſem Archiepiſcopum *una omnium voce, una voluntate* inauguratum fuiſſe teſtatur Surius die 19. Martii c. 5. cumque eo tempore Imperator Otho III. in Italia moraretur gratias egiffe Deo fertur, quod Clerus, Populusque tacitis animi ſui votis obſecundaffent. Nec aliter ſe geſſerat Otho II. ut videre eſt apud Surium die 31. Ottob. c. 15. in vita Volfangi. Othones itaque Imperatores Caroli Magni pietatem imitati, Eccleſiaſticam libertatem ſancte, inviolateque tutari maluerunt.

Anglia vero, cum ab annis pluſquam ſexcentis nonniſi Francicæ originis Principibus pareret, inde mira in Eccleſiæ Gallicæ, & Anglicanæ diſciplina conſenſio perſeveravit. Vuillelmus enim Malmeſburienſis ſcriptum reliquit, Odonum cunctis Cleri Populique, Regis, & Epiſcoporum ſuffragiis Cantuarienſem Archiepiſcopum designatum; nec Dunſtani ad eandem Sedem electio diſſimilis extitit; Namque illæ enixis Edgari Regis precibus non paruit, priuſquam Epiſcoporum adſenſus ac-

cederet (a). Qui Beati Lanfranci vitam literis mandaverunt, memorant Concilium Castri Regii Vindsorii an. 1070. habitum, in quo Rex Vuillelmus Nhotus, Legati Pontificii, & Episcopi eundem Lanfrancum Archiepiscopum Cantuariensem elegerunt. (b) Vuillelmi vero Filius, qui Patri in Imperio successerat, cum omnium foret expers virtutum Capellanis suis, vel ambitiosis Aulicis Episcopatus plerumque conferebat, neque eam rem Religioni unquam habuit. Electionum vero libertatem sub Henrico 1. quodammodo restitutam, reliqui iterum sustulere, donec Pontificiæ initæ *reservations* sub Eduardo 2. & 3. Reges adduxerunt, ut in agendo temporibus inservirent. Cum diu Romani Pontifices Avenione fuissent commorati tenuitate, atque inopia Italicorum reddituum factum est, ut sustentari amplius non possent, nisi maiores *prælaturas*, aliasque *beneficia* locupletiora privati sui iuris facerent. Contra Anglicani Reges cum Episcopos desiderarent sibi dedi-

(a) Scriptor vitæ eiusdem Dunstani mirificam Regibus potestatem in Episcopis nominandis adscribit, quemadmodum aliunde patet simplices electiones Episcoporum arbitrio factas fuisse.

(b) Polidor. Hist. Angl. lib. 11.

ditissimos, quos tuto ad Regia consilia, & Provinciarum comitia adhibere possent, idcirco an. 1390. & 1391. sub Richardo II. Eduardi Filio vetitæ *provisiones beneficiorum*, quas Roma iam efflagitare consueverat.

In Hispania Episcopi Provinciales, atque etiam finitimi dare vacantibus Ecclesiis solebant Episcopos. Scriptor enim vitæ clarissimi Martyris Eulogii electiones ipsis tantum tribuere non dubitat. Qua de re non solum in Gallia, sed etiam in Hispania Capitularia Caroli Magni recepta esse non obscure videntur. In iis enim sic legitur „ Episcopi iudicio Metropoli-
„ tanorum, & eorum Episcoporum, qui
„ circumcirca sunt, provehantur ad Ec-
„ clesiasticam potestatem „ nisi potius as-
serere velimus, Hispanos Episcopos An-
tiochenis, & Sardicensibus Constitutioni-
bus adhæsisse, in quibus perfecta inter vi-
cinarum Provinciarum Antistites commu-
nio, charitasque commendabatur. Victis
deinde Mauris, Christianaque Republi-
ca amplificata, magnis privilegiis, iu-
ribusque Hispani Reges gaudebant. No-
minatio ex iurispatronatus regulis sæpe
oriebatur, adeo ut contemni non debeant.

Eru-

Eruditissimi, acutissimique totius Hispaniæ iuris Interpretes Ferdinandus Vasquez, & Didacus Covarruvias, ille Contr. illust. par. 1. lib. 1. cap. 22. hic vero T. 1. part. 2. Relect. c. Possess. mal. fid. §. 10. id tanti faciunt, ut hoc solo nomine Hispaniarum Regibus omnes Regni Episcopos constituendi ius asserant. Rigidi tamen illi Canonum custodes Gregorius VII. & Alexander II. nullam aliam reliquere Arragoniæ Regibus facultatem nominandi Ecclesias, quam ad illas, quas a Mauris receperant. Cæterum Populus, Clerus, Regesque electionibus aderant, & si qua suborta esset dissensio, Romano Pontifici id nuntiabatur, qui munus Metropolitanis congregandi Comprovinciales Episcopos, litemque dirimendi iniungebat. Quandoque etiam Metropolitanus, inconsulto Rege, Populoque electiones peragebat, quod quidem moleste a Civibus ferebatur. Igitur Romani Pontifices proprio arbitratu frequenter admodum se gesserunt usque ad tempora Petri Castellæ Regis, cognomento crudelis, de quo hæc habet Mariana: (a) *Episcopos Militares Magistros Priorem Hospitalarium instituendi, aliave maiora Sacerdotia* do-

(a) An. 1367, lib. 17. c. 11.

donandi nisi Regum accedente consensu Pontificibus Romanis potestas sublata. Plures reservationum causa inter alios Reges, Pontificesque concertationes identidem sunt excitatæ, quas tamen brevi sedari potuisse compertum est. Etenim si Principes ab æquitate aliquando recederent, Pontifices ea prudentia usi sunt, ut nec officio deessent suo, nec Reges exasperarent. Quare observatum est a Mariana ante *Concordata* quibus nominatio ad Episcopatus, & Abbatias Regibus conceditur, idem fuisse usitatum, atque crebriores tantummodo fuisse dissensiones, & gratiæ redintegrationes. Id plane comprobatur exemplo Isabellæ Reginæ virtutum fama, rerumque gestarum laude commendatissimæ, quæ cum Toletanum Archiepiscopatum Francisco Ximenio conferre exoptaret, ea de re scripsit ad Pontificem, a quo Rescriptum impetravit, huiusmodi præfixo titulo: *Venerabili Fratri nostro Francisco Ximenio electo Toletano.* Nec multo post Alexander VI. eidem Ximenio scribens hæc habet (a). *Sedes Apostolica te de inferiori statu ad Archiepiscopalem dignitatem erexit.*

Su-

(a) Gomæ lib. 1, de gestis Ximenii.

Superest nunc agendum de acerrimis contentionibus Pontifices inter, & Imperatores *Investiturarum* causa subortis. Interca temporis memoria repetatis oportet terribilissima opinionum, & ingeniorum certamina, (a) effrenatam, præcipitemque bellorum licentiam quæ maximam Europæ partem vehementer vexabant (b). Germania, quæ firmis vallata præfidiis videbatur ob eam, quam obtinebat in Italia dominationem, nomenque Imperatoris, quod Principes eius gerebant, cito sensit, sese ea de causa viribus debilitatam, fractamque.

Quippe Imperium adeo amplificatum mole sua laborare cœpit ac plurimis perturbatum dissidiis, subditorum defectione tandem dissolvi. Gallia distractis post Caroli Crassi depositionem Provinciis, in feudalem administrationem inciderat. Tali autem pacto Europa reliqua regebatur. Rector, seu Dominus præerat exiguis multis Principibus, qui dicebantur Vassalli, quique continua bellorum ira sollicitati damna invicem afferebant, terrasque depu-

(a) iam exarserat hæresis nominalium, & Berengarii Archidiaconi Andagavenſis, qui controversiam de præsentis reali in Eucharistia renovavit.

(b) Hæc publicæ calamitates multis religioſis familiis iustitendiis ipsam forsitan præbuerunt.

pulantur. Luctuosum Civitatum omnium spectaculum, quas aut scœva, multiplexque Tyrannis oppresserit, aut everterit Anarchia nobis exhibet semper Italia.

Fieri non poterat, quin hæc rerum politicarum confusio Ecclesiasticum regimen perturbaret, ac propterea modo Principes, summique Magistratus, modo Episcopi, alii-que Ecclesiarum Ministri sacris in electionibus prævalerent. In his ergo maximis calamitatibus Regius consensus neglectus, ut in electione Paschalis I. Stephani VI. Nicolai I. Ioannis VIII. accidisse exploratum habemus. Verum tamen est infandam, sæculi X. labem, & corruptelam omnia demum penitus perdidisse, donec Otho I. afflictis Italiæ rebus succurrere instituit. Priusquam tamen de Othone loquar, prænotandum est Henricum I. eius antecessorem non antea Imperatorem voluisse appellari, quam a Pontifice ad liberandam Italiam, coronamque triumphalem accipiendam honorificentissime invitaretur. Inauguratio enim tamquam necessaria conditio ad titulum Imperatoris adipiscendum existimabatur. Otho igitur. I. cum Romam venisset an. 962. denuo constituit, assentiente Leone VIII. ut corona a Romano Pontifi-

tifice imponi solita, deinceps Imperii præferret insignia. Imo id etiam a Pontifice impetravit, ut libere investiret omnium suarum Provinciarum Episcopos, quemadmodum Carolus in Germania, & in toto Francorum Regno idem ab Hadriano obtinuerat (a). Marfilius Patavinus in tractatu de translatione Imperii cap. 8. *Carolus ait prima concessione, videlicet Romani Pontificis ordinandi non fuit usus, de secunda vero Episcoporum nempe installatione se aliquando intromisit, ut ex ipsius gestis in plerumque locis apparet.* Gratianus vero dis. 36. Can. *Reatina*, & Stephanus Papa his præcipue verbis, *Imperiali primum percepta corona, & Imperatoria directâ Epistola* adeo Principum iura corroborant, ut ea etiam doctissimus Carnotensium Episcopus Ivo epif. 55. ad Archiep. Lugdun. Romanæ Sedis legatum pro investituris afferat (b). Eadem

ve-

(a) Sic Waltramus, Mattheus Parisiensis, & Naclerus arbitrantur. Minime vero, ut aliqui putant, id etiam Carolo concessum in Hispania; hoc enim optime refellitur a Covarruvias T. 1. part. 2. Imo potius credendum, novum hoc investituræ ius ad Episcopos Italise tantum Provinciæ, quæ Pontifici subiciebat respexisse, non autem ad reliquos Germaniæ Galliæque ipsiusque Italise Episcopos. Goldastus in suo Rationali ad Italiam totam Pontificis constitutionem extendit, minus tamen recte.

(b) De Ivonis autem in hac materia opinione vide etiam Petrum de Marca lib. 8. cap. 19. aliasque doctissimorum hominum sententiam.

vero utriusque Constitutionis Hadriani, & Leonis ratio est. Adepti sunt itaque Carolus, & Otho, quidquid liber Populus in Regem, vel Principem transfert, dum ei, summum Imperium concedit (a). In Germania vero, & reliqua Italia Regio iure utebantur.

Hæc autem *Investitura* (b) baculi, & annuli traditione in Episcopi manus perficiebatur, ac defuncto Episcopo in more positum fuit, ut bâculum & annulum ad Principis aulam referendum Primores Civitatis curarent. Quid autem iure illo investituræ in Episcoporum electione potissimum Imperatoribus, aut Regibus licuerit inter nonnullos disceptatur. Eorum sententia nobis arridet, qui asserunt ea traditione Principes immisisse in temporalem Ecclesiasticorum bonorum possessionem. Quin autem illi non raro hac potestate, abusi fuerint, nec veterum monumenta, nec pravi mores, qui frequenter in aulis ob-

G

vim

tentia refert. Thomasi, part. 2. lib. 2. cap. 32. *Investituram* defendit Ludovicus Maimburgius, dans l' *Istoire de l' Empire lib. 2. ad annum 1080. p. 273. Edit. Paris.*

(a) Marfil. Patav. in defens. Pacis part. 2. cap. 24.

(b) Hanc *Investituræ* vocem non bene Baronius asserit Hadriani seve ignotam fuisse. Eadem enim habetur in Cod. Legum Visigothicarum, Longobardicarum, & in cap. Car. M. & Lud. Usulquoque hac voce Monachi S. Galli in antiquis membranis quæ T. 2. rerum Alamannicarum reperiuntur monet Goldastus.

tinent, dubitare nos sinunt (a). Eam tamen vim esse Iuris *Investiturae* compertum est, ut numquam aliquis, licet a Clero, Populoque unanimi electus suffragio prius consecrari posset, quam constaret hunc ex Imperatoris conniventia Episcopum esse debere. Consensus vero indicium erat baculus annullusque Episcopo traditus. An vero ritus ille a Carolo M. aut posteriori ætate manaverit, adhuc sub Iudice lis est. Negat Baronius hac ætate id usu receptum; verisimile tamen est Caroli, & Ludovici Pii tempore hanc viguisse consuetudinem, cum Ludovicum iuniorem Germaniæ Regem hunc in Episcopis investiendis ritum usurpasse constet (b). Qua vero hac in re Caroli M. successores facultate polleant ex hætenus dictis colligi posse videtur (c). Annotandum tamen est quod ubi *investitus* esset electus Episcopus, & iuramen-

Pro-

(a) Nicolaus I. Lotharium, quod minus idoneos Episcopos elegerit obiurgavit, ut videre est dis. 63. cap. 4.

(b) Testis est Albertus Stadenfis his verbis. „Rembertus Bremonfius Archiepiscopus Pontificale Pallium a Nicolao papa suscepit, forulam vero Pastorem a Caesare Ludovico, Crantius vero cum eodem Remberto verba faceret in sua Metropoli lib. 2. cap. 2. forulam Pastorem interpretatur *fundam investituram*, & lib. 2. cap. 19. id olim, ait, *Investitionis* signum fuisse.

(c) Consolator Luitpertus Episc. ad Cler. & Pop. Colonien. apud Regimoum lib. 2. & Hincmari Epistola. quæ Baronius transcribit T. 9. an. 814.

tum præstitisset (id enim quoque necessarium erat) nihil amplius quidquam præter consecrationem a Metropolitano, vel Provinciæ Episcopis faciendam desiderabatur.

Ad Plebem autem quod attinet Mathias Flacius Illyricus tam in *Catalogo Testium veritatis*, & in *Centuriis Ecclesiasticis*, tum singulari scripto sibi demonstrandum proposuit Episcoporum electionem non ad Ecclesiasticos tantum, sed & ad Laicos pertinere, (a) eodemque electionis iure eos a Christi tempore per annos 1300. libere usos (b). In comperto autem est, ut tra-

G 2

dit

(a) Adeantur etiam Epistolæ Sancti Fulberti 26. 30. 131. 132.

(b) Populorum in electionibus potestas deducitur ex cap. 5. dis. 51. cap. 13. & 16. dis. 61. cap. 1. dis. 62. cap. 9. 12. 15. 26. 27. 34. dis. 65. can. 4. dis. 65. can. 13. c. 7. q. 1.

Ex Epistolis 202. 275. 282. aliisque Divi Bernardi eruitur eundem vehementer exoptasse, ut ius illud: quod inter Populum Clerumque dividebatur, totum fore in Clero, Monachia, atque Episcopis resideret, ex quo paulatim factum est, sæculo XII, Populus ab electionibus arceretur. Cum autem ex Chrodogangi temporibus, quibus vita Canonica introducta fuit arctius inter Episcopum, Clerumque vinculum intercesserit, hinc accidit progressu temporis, quod Canonici regularem vitam sensim abiecerint, atque ætate Orthodoxa 2. iam, Trithemio teste, splendide vixerint, adeo ut electionem sibi sub Friderico 2. sicut aperte patet ex eiusdem aures bulla *de libertate Ecclesiastica*, potissimum vindicaverint, haud dubie connivente Pontifice.

Eusebius Episcopus Vercellensis, sanctitate, & doctrina Clarissimus, qui Catholicam fidem contra Arianos propugnavit Canonico-rum Institutum primus invenit. Nec assentiri possum Thomassino par. 1. lib. 3. cap. de Beneficiis, qui asserit Canonicos tunc temporis non fuisse Clericos, qui iuxta Monasticæ regulas viverent, verum Monachos, qui numerum Clericalium viceungerentur. Vide T. nitio

dit ex Frodoardo Baronius T. 10. an. 922. quod Imperator, quem Clerus, Populusque elegerat, quotiescumque minus sibi acceptus esset reiicere iure, meritoque potuerit. Existimarunt igitur Imperatores, & Germaniæ Reges iniquum non esse electiones rescindi, si absque eorum consensu celebrarentur, vel si electum non satis illo munere dignum nossent. Hinc Otho Magnus Imperator edixit, ut illæsa semper maneret in hisce negotiis Imperatoris auctoritas (a). Pontifex vero si quemquam dignissimum eligendum cuperet, Imperatoris animum saltem consulere solebat (b).

Ipsi

4. Latinorum Anecdotorum L. Muratori. Eusebium deinde imitatus est Augustinus; igitur non recte putant nonnulli. Canonicos initio sæculi VII. floruisse. Præterquamquod habetur ex Historiis Episcoporum sæculi 6. quam edidit Mabillonius quod „Agericus „vendidit portionem Villæ, quæ Sancti Martini fuit, & venditio- „nem cum Canonicis scit fecit „Gregorius Turonensis lib. 10. memorat sæculo 6. mensum Canonicorum Ecclesiæ Bituricensis, & Turonensis.

Ludovicus Caroli M. Filius in Aquisgranensi Concilio ao 816. apud Palutium, Monasticam vivendi methodum dilatare plurimum studuit in Gallia, & Italia, Opinatur in *vet. Canonici* cl. du. Cange iisdem temporibus institutos fuisse Regulares Canonicos, illos nempe, qui D. Augustini regulam prohibebantur, eoque diversos fuisse a Secularibus Canonicis; verum hæud nimis validis innixa fundamentis eius sententia videtur.

Quare autem Plebs ab electionibus exclusa fuerit vide Xixtum Senensem Bibliot. lib. 5. D. Hieronym. lib. 1. adversus Iovinianum & Possidium in vita Augustini cap. 53.

(a) Goldastus T. 3.

(b) Asseritur hoc a Wiberto Archidiscopo in vita Leonis IX. cap. 8.

Ipsi quoque Romani Pontifices quotquot a Leone VIII. usque ad Gregorium septimum sunt subsequuti vel ab ipsis Imperatoribus (a) Cleri, Populique Romani non expetitis suffragiis ad Apostolicam Sedem evecti fuere, vel licet eosdem Clerus elegerit, Populusque, (b) consensu tamen Imperatoris semper indiguerunt. Verum

G 3 cum

(a) Testis Onuphrius Panvinus in vita Gregorii VII.

(b) Ex innumeris Romanorum Pontificum electionibus id confirmatur. Presbyteri Romani in epist. ad Honorium Imperatorem a Barocio relata Tom. 5. an. 419. Bonifacii 1. electionem Populi votis celebratam fuisse narraverunt. Constantinus IV. Imperator ad Benedictum 2. nuper electum sanctionem misit quemadmodum refertur a Platina, ut quem deinceps Clerus, Populus, Exercitusque Romanus Pontificem delegissent, eum statim pro legitimo Christi Vicario omnes venerarentur. Anastasius in Ioan. v. fidem ferit, eundem Populi Romani suffragiis creatum fuisse, nec diversimode Canonem, Sergium 1. Hadrianum 2. aliosque complures.

Statutum autem fuit dist. 79. Cap. 3. 4 & 5. quibusnam prerogativa exornatus esse debet qui Romanus Pontifex effectus e-
gendus.

Klorus apud Baronium T. 12. in App. an. 813. quae hucusque in medium protulimus plane confirmat. Leoni IX. quem Imperator elegerat, Monachi quidam obviam facti persuaserunt, ut ornatu Pontificali deposito, privatus ingrederetur, quod dicerent (teste Platina in eodem Leone) Imperatorem nullam cresendi Pontificia potestatem habere, sed id ad Clerum, Populumque Romanum spectare. Nec Nicolaus 2. in *Reformatione* circa Romani Pontificia electionem a veteri instituto discedit. Idem comprobatur a Petro Damiano de elect. Papae apud Barocium T. 2. an. 1061. „Per Episcopos Cardinales sibi debet principale iudicium, secundo loco iure praebet Clerus assensum, tertio popularis favor adtollet approbationem. „ Innoc. 2. fuit Romanorum Pontificum 1. a solis Cardinalibus electus acri-
rimis, electionis causa, tunc turba Romae excitata. Novam Pontificis eligendi formam constituit Alrasuder 3. in Conc. Later. 3. an. 1179. Can. 1.

cum tota fere in Principum arbitrio Episcoporum electio fuerit constituta, mirum utique non est, si eorum aliquis modum excessit, si quid simoniacæ labis irrupit, si denique indignis quandoque tam ardua officia commissa fuerint. Duaren. lib. 1. cap. 6. de sacris Ecclesiæ ministeriis, Imperatoribus exprobrat, quod nulla habita veterum Canonum ratione, indignissimos quosque promoverint (a). Extra omnem tamen dubitationis aleam positum est, Imperatores adeo sibi electiones competere contendisse, ut Henricum II. licet eis præditum virtutibus, ob quas Sanctorum Fastis adscriptus fuit, nihil de suis iuribus remisisse, nos doceat Historia (b).

Neque tamen sola Regiæ potestatis vi Imperatores Episcopos constituere poterant, sed eo etiam quod essent Ecclesiarum Patroni (c). Liquet autem omnibus tres esse præcipuæ Patronatus causas (d) fundationem,

(a) Peccasse ea in re Parentem suum Conradum 2. fatetur ipse semet Henricus Imperator apud Glabrum Rudolphum lib. 5.

(b) Breviter Gobellius Persona Cosmodromii set. 6. cap. 52. hæc habet. Meinvercus a Rege Henrico Episcopatum per Chirothecæ traditionem suscepit.

(c) Duarenus de Sacris Ecclesiæ beneficiis, ac Ministeriis Op. vi. probare conatur, haud quaquam Principes hallucinari, si eligendorum Episcoporum curam ad se pertinere opinentur.

(d) Communis est cruditorum sententia, quod Dioecesis in di-

nem, scilicet, dotationem, & ædificationem, quæ omnes quibus nam rectius, quam summis Reipublicæ Principibus possunt convenire (a). Itaque ex iis omnibus illud deduci potest, quod quibusdam æquitatis regulis investituræ nitebantur: Nihilominus Gregorius earum memoriam dele-re constituit, quod Ecclesiæ libertatibus nimis infensæ viderentur (b).

Contra vero cum Germaniæ Imperatores illas acriter propugnarent, hinc diuturnæ nimis, gravesque ortæ contentiones, atque certamina. Sinite tamen, ut totius huius Historiæ narrationem; & bella præ-

G 4

te-

sinquas Provincias divisis, rurique suadatis Ecclesiis *inspatrantis* originem nactus sit. Coac. Neocesi. nominat *ἐπιχρησις παροβιταρής* quos Græci Canonistæ interpretantur similes iis, qui dein ruralibus Ecclesiis præfuerunt. Huc autem Concilium decem ante Nicaenum annos convocatus fuit.

Constitutione Imperatoris Zenonis Patronatus iura accomodata fuisse constat recens factis Provisionibus, seu dotationibus; Hæc autem constitutio subinde confirmata fuit ab Iustiniano; variis postremo Canonibus. eiusdem Patronatus iura in certum ordinem quodammodo distribuit Conc. Tolet. an. 550. Vide Eduardum Skillingfleet *Unreasonableness of separation part. 3.*

(a) Quin Principes præcipueque Francorum Reges in ditandis Ecclesiis munifici adeo fuere, ut Childcbertus de damno, quod inde in Regno exortum fuerit graviter conquereretur. Provocavit iam olim quoque ad hoc Iussu Eduardus Angliæ Rex in consir. a Goldasto relata, T. 3. consir. Imper. Digna sunt, quæ legantur verba Stephani Abbatis Leodiensis in vita Modostai Terverensis Episcopi cap. 64, vide etiam Thomasi vetus, & nova Eccl. disci, part. 2v lib. 1. cap. 29. & seqq.

(b) Thomasi in oper. cit. part. 1, lib. 1. cap. 24.

teream, quæ inter Urbanum, Paschalem, Gelasum II. & Henricum IV. & V. suborta fuerint (a). Controversiæ autem finis impositus in Conc. Lateran. an. 1122. sub Callisto II. in quo Statutum, ut *Episcopi per Sceptrum, non autem per baculum, annulumque acciperent investituram* (b).

Neque sententiæ adhærere possum M. Antonii de Dominis opinantis, quod Callistus

(a) Qui huius rei Historiam videre cupit adeat Sigibertum Gemblacensem in Cron. an. 1111. Abbatem Urspergensum in eodem anno, & Waltramum Episcopum Namburgensem eorum temporum Scriptorem.

(b) Qui Ecclesiasticam Historiam perlegerit, mirari satis non poterit Ecclesiasticæ disciplinæ vicissitudines; atque non ingenuè fateor, quod Ecclesiastici Præfides, ac Religionis Ministri temporibus prudenter inserviendæ pietatæ sedulo, ac Sacerdotalem dignitatæ præ oculis habuerunt.

Valentinianus in primo Romanæ Ecclesiæ certamine post comparatæ divitiis, schismate fervescente inter Damasum, & Ursicinum Iudex insurrexit, ac Damasum in Sede confirmavit. Baron. T. 5. an. 418. & 419. Basilius Patricius Præfectus Prætorio Odoaceris nomine Romanos admonuit, ut ad electionem novi Pontificis non devenirent, nisi prius de persona eligenda ipsum consulissent. Theodoricos ipse ad comprimendos tumultus post Simplicii mortem Symmachum inter, & Laurentium excitatos, Symmachum Romanum Pontificem eligi iussit. *Cass. lib. 8. ep. 15. Theod. leib. cell. 1. 2. & Platina in Symm.* vide etiam Ioan. Diac. in vit. Greg. lib. 1. cap. 39. & 40. *Non enim* inquit Aimonius lib. 3. cap. 74. *licebat tunc temporis absque Constantinopolitani Principis iussione ad Pontificatum promoveri.* Nicolaus magnanimus initium Ecclesiasticorum Dissensuum, nihilominus investituræ admisit. Iulianus vero Imperator, de cuius pietate Legati Apostolici Pontificem certiores fecerunt, post protracta ultra tres menses a Patribus certamina, sua tantum auctoritate, quemdam Presbyterum Paulum nomine Episcopum fieri iussit in Ecclesia Antiochena.

stus 2. pactis cum Henrico initis, parum obtinuerit. Lotharium enim Saxonem Imperatorem, præter Onuphrii Panvinii, Paulique Æmilii testimonia) qui proximus in Imperio Henrico successit, etsi religiosus esset, & Romanæ Sedi, si quisquam alius observantissimus, cum tantam æquo animo iacturam ferre non posset ab Innoc. Papa ur, sibi restituerentur Investituræ importune instituisse tradit ex Bernardo Bonevall. Baronius an. 1131. Neque satis constat quod futurum fuisset, si optimo Imperatori diuturnior vita contigisset. Hinc tota Imperatorum auctoritas ex conventionem cum Calisto inita eo redacta fuit, ut orta in electionibus dissensione is pro electo haberetur Episcopus, cui Imperator gratificaretur (a). Sed Friderici exemplum hac in re ægre tulit Eugenius, inutili tamen conatu obstitit. Fridericus enim strenuus iurium Imperii defensor obsequi Pontifici noluit. In cæteris, quæ ad Episcoporum Germaniæ electionem attinent, nullæ amplius videntur extitisse discordiæ. Nam quod Hadrianus IV. Nauclero, & Baronio referente scribit ad Fridericum, solos Italiæ Episcopos re-

G 5

spi-

(a) Probatur id exemplo Lotharii Imperatoris & Conradi 3. Gratianus in Metrop. lib. 6. cap. 12.

spicit. Cœterum ea tempestate, qua Gregorius IX. anteriora Pontificum Decreta rescidit, Populis adempta fuere suffragia, ac Imperatoria corruit auctoritas. Occasionem vero præbuerunt teterrima Principum dissidia, quæ ex distractis in Imperatoris electione studiis plerumque oriebantur (a).

Mala autem sub Rodulpho Imperatore magis increbuerunt. Invaluerunt enim *Provisiones*, quæ nimis in eligendo Ecclesiarum libertatem imminuebant. Revera Germani quis fuerit *Provisionum*, & *Reservationum* fructus experti libertatem illam extenuatam deplorarunt. Tam frequentes enim erant illæ *expectativæ gratiæ*, ut alium eligerent Episcopum Cathedralium Ecclesiarum Capitula, (b) alium Pontifex Roma, vel A-

Ve-

(a) Episcoporum confirmationem, & consecrationem tunc temporis ad se pertinere etiam voluisse Pontifices testatur Gratianus, in Metrop. lib. 7. cap. 42.

(b) De triplici eligendi forma per compromissum, per inspirationem, & per scrutinium a Cone. Later. præscripta vide Bernar. Van- Espen lus Ecclesiæ univer. pat. 2. tit. 21. cap. 3. & 4.

Post Apostolorum tempora nulla, vel paucissima superesse vestigia electionum per sortes probat Dodw. diss. 1. in Cypr. Verum ex Conc. Barcinon. c. 3. ann. 529, colligere possumus aliquando hanc eligendi formam usitatam fuisse in Hispania. Exempla autem electionum per inspirationem Historia suppeditat in Gregorio Thaumaturgo, Alexandro Hierosol. & Fabiano Romano. Vetus Ecclesia quandoque selectionem primitiarum ex converfis gentilibus, frequentius vero per communis suffragia Episcopos ordinavit.

venione mitteret, multis sane munitum *Bullis*, quibus refragari piaculum habebatur. Nihilominus interdum accidit, ut uterque Episcopus, tum quem Capitulum, tum quem Pontifex elegerat, ius suum nullo pacto veller remittere. Hoc ingentes turbas peperit, adeout bella quandoque cum maximo Ecclesiæ detrimento eruperint. Exinde etiam factum est, ut pluralitas beneficiorum, quorum aliqua Commendarum (a) veniebant nomine plurimum invaluerit (b), & bus

(a) Commendarum hæc fuisse videtur origo. Cum Episcopus aliquis quacumque impulsus necessitate Romam adivisset, si ibi vita fundus esset, itinere suam illius vice eligere Pontifex coepit. Frequens hoc in Angliis, & in Galliis, Urba. 2. apud Ivon. epif. 1. & 21. Iuter, ad Ivon. epif. 1.

Quid Leges 2. Carolo M. & Ludovico conditæ susterint vide dist. 62. c. sacrotum. Et S. Ludovici Pragmatica ad finem prag. Caroli Biblioth. PP. T. 6. decernit, *Ut Ecclesiarum Regni nostri Praelati ius suum plenarium habeant, & unicuique sua iurisdictione servetur.*

Verum in suis primordiis nequaquam magni momenti res habita fuit; quandoquidem Papa non extero Viro vacantiem dignitatem impertiebatur, quin contra summi Imperantes, & Episcopi quati animi testimonio, quis ipse tandem populos ab electionibus excludere valuisset, libenter id concedebant, Eainde mos introductus, ut aliquem vel Regibus, vel Episcopis Pontifices commendarent, ut ipsi beneficia conferrent, sed adeo frequenter, ut totam fere eligendi facultatem Episcopi amitterent.

(b) *Coadiutoriae* etiam hiæc temporibus originem habuerunt, Celliones Episcopatum olim prohibitas fuisse, docet Cyrillus Alexandrinus in Epist. ad Romanum. Interdum tandem occasiones emergere poterent, quibus a summo illo iure recedendum foret ex. g. si ea Episcopus laboraret infirmitate, ut suo muneri demandatis oneribus sustinendis impar efficeretur. Hoc enim ipsis difficultas coegit

Pam.

Episcoporum translationes (a) ex tenuioribus in opulentiores Ecclesias sapissime factæ fuerint (b).

Quæ-

Pamphiliæ Synodum, ut Eustachii Metropolitani sui *resignationem* admitteret, idemque constat ex Conc. Ephes. & Constant. sub Phocio, & ex Pelag. o. Gregorio, aliisque.

(a) Eo vero tempore *resignationes* ad favorem reiciebantur Can. 27. Conc. Antiochen. Et quamvis Augustinus sibi successorem delegisset in sua tamen ad Hipponensem Episcopatum promotione Nicaenes Canones violatos esse fatetur epis. 34. non quia Valerio successur designatus esset, sed quod Episcopus una cum illo fuerit. Canones enim, & universæ Ecclesiæ disciplinae unum tantum Episcopum residere in quacunque Civitate voluerunt, paucis quidem exceptis casibus, aut ad aliquam diripiendam controversiam, aut ad inveteratum Schisma tollendum. Cyr. suis in Epist. Chrysoth. epis. 125. Conc. Nicaen. can. 8. Theod. lib. 2. c. 14. Revera Augustinum *non more prædictum* testatur Divi Paulini Epist. 27. Hic enim abusus introducebat in Ecclesiam successiones hæreditarias, quod in Synod. Rom. sapienter improbat Hilarius. Vtut se res habeat exemplo Augustini & Conc. Meldensis auctoritate facultas dandi Coadiutores cum futura successione ad Provinciæ Synodum pertinet, quemadmodum *renunciatio* olim admittere poterant Metropolitani, quas nunc Apostolicæ Sedis reservavit Innocentius III.

(b) Episcoporum translationes antiquitus veritæ erant. Vide Nicaen. Synod. Can. 15. Antio. 16. & 24. Ancyr. Can. 18. Sard. Can. 7. & 2. & Chalced. Can. 5. relatos in biblioth. iuris veteris Canonici T. 2. Christophori Iustelli. Verum hi Canones locum habebant si avaritia illecebrasset, aut ambitione incitatus Episcopus ex una in alteram Ecclesiam commigrarent; si vero Ecclesiæ utilitas id postulasset translatio minime condemnabatur. Socrat. lib. 1. cap. 35. & 39. Theod. lib. 5. c. 4. & 8.

Ex Conc. Carth. 4. Can. 27. huius utilitatis cognitio ad Synodum Provinciæ pertinebat. Nunc vero ad solum Romanum Pontificem pertinere hoc ius separandi coniugium inter Episcopum, & Ecclesiam pronuntiavit Innoc. III.

In cap. 2. de elect. Raymundus decretalium Gregorii IX. Compilator poenam nimis asperam putans iussit solitam in eos qui ex una in alteram Ecclesiam se transferebant, contra Græcorum, & Latinorum Codicum testimonia addidit e præcepto penæ, nisi de hoc *perquisitis*.

Quædam igitur Fridericus III. cum Cardinali Joanne Carciajal Legato a latere Pontificis in Germania an. 1448. inivit pacta, quæ *Concordata Nationis Germanicæ* vulgo vocantur, denique a Nicolao V. approbata, in quibus non quidem *provisiones* omnes, & *reservationes* e medio tolluntur, sed uti ait Henricus Canisius in Notis ad hæc concordata; *certus modus adhibetur super Provisionibus, & Reservationibus Ecclesiarum, & Beneficiorum Ecclesiasticorum.*

Imperatori recens electo ex Apostolica autoritate, & antiquissima consuetudine conceditur, ut in qualibet Ecclesia per S. Romanum Imperium, prout nunc est, ubicumque constituta, semel Personam sibi gratam, & acceptam, ceteroquin idoneam, Ordinario Collatori nominare possit. Ioan. Chokier in tr. Scholia ad primarias preces Imperatoris; Fagnanus in C. nulla n. 9. & seqq. Naclerus vero in sua Cronographia Rodulphum 1. qui an. Domini 1273. electus fuit hoc privilegio, sub nomine primarum precum usum fuisse testatur, ex probata, & ab antecessoribus ad se perducta consuetudine. Plura tamen excipiuntur beneficia, quæ sub primis Imperatoris precibus

cibus non compræhenduntur; ut videre est ex Anacleto tit. 4. cap. 20.

Huc usque de Investituris satis, ut arbitror, loquuti fuimus. Verum ut electionum historia absoluta videri quodammodo possit, superest, ut nonnulla de Abbatum electione differamus.

Caroli Magni, & sequioribus inde temporibus tota fere Abbates eligendi facultas apud Monachos residebat (a). Nicolaus Pontifex an. 863. Reges adhortatus est, ut Divinas, humanasque Leges inviolatas servarent. Institerunt etiam Concilia, ac potissimum Gall. T. 3. p. 520. ut Abbates a Monachis eligerentur; Qua de causa Carolus M. aut Ludovicus Pius eius Filius Abbatias omnes electionum libertate donavit (b).

In dubium tamen revocari non potest quin Reges, atque Imperatores (c) vel a Pontifice impetraverint, vel certe sibi desum-

(a) Cæsar. lib. 2. cap. 24.

(b) Consona erat hæc eligendi forma Canonicis, & Civilibus Constitutionibus, ut videre est in Leg. 47. Cod. de Episc. & Cler. & in Canonibus relat. a Grat. c. 18. q. 2.

Specialibus vero Constitutionibus translata quandoque fuit in quibusdam Ordinibus ad Generalem, vel Provincialem eorum suis Assistentibus.

(c) Vid. capit. Caroli M. L. 2. c. 85. & 86.

sumpserint hanc eligendi facultatem. Ac primum octavum inter, ac nonum sæculum sæculares non solum Clericos, sed etiam Laicos (a) Commendarum titulo iam ab ætate recepto Abbantias obtinuisse ex Historiis, atque Conciliis evincitur. Sane Ludovicus II. Calvi Filius, quos sibi obsequentissimos habere voluit, Abbatibus non fecus, atque Comitatibus decoravit.

Post annum vero a Christo millesimum Abbatia plerumque a Principibus, & Patronis opulentissimis fundata, iis magna ex parte fuerunt obnoxia. Comites quidem Ducesque eas pro lubitu concedebant, adeo ut plurima apud Thomassinum, aliosque Abbatum, qui non a Monachis suis eligerentur exempla recenscantur. Alexander III. Ludovicum VII. Regem per litteras interpellavit, ut quæ primum vacasset Episcopalis Sedes, vel Abbatia, eam Thomæ Cantuariensi Episcopo in Galliis tunc exulanti conferret. Aliud refert exemplum Du Chesne T. 5. p. 30.

Interea non numquam Episcoporum in Abbatibus eligendis iura renovata sunt, ipsique Abbates ab ipsis erant confirmandi.

(a) Conc. Cariacen. an. 858.

di (a). In Gallia Rex nominat ad plerasque Abbantias quæ *perpetuum titulum* habeant. In Germania vero, quoad maiora Cornobia integra eligendi libertas diu servata est.

Per Pontifices autem non stetit, quominus penes Monachos (b) facultas illa resideret, donec per Regulam III. Cancell. sibi

(a) Hi vero ex Regum munificentia Abbantias obtinentes etiam se Monasteriorum Abbates nuncupabant: Atque hinc in antiquis monumentis passim dicuntur *Abbascomites*, vel *Abbicomites* uti videre est apud Du-Change in gloss, verbo *Abbicomites*. Episcopi vero assidue Imperatores orabant, ne oburgens animarum periculum Laicia Monasteria concederent, illudque valde improbabant, quod a Patre in Filium Abbantiae quasi hæreditario iure transirent. Undecimo tamen præsertim, & duodecimo Saeculo, vel propria, vel Romani Pontificia auctoritate sibi Abbantias, vel administrationis, vel Commendae titulo retinebant. Clemens vero V. in Constitut, edita an. 1305. omnes huiusmodi Commendas improbavit; verum Saeculo XIV. in illa rerum publicarum confusione, Commendae incrementum accipere, atque etiam post *Concordata* earum usus in Gallia permansit; Conciliumque Trident, in sess. 25. cap. 21. de Regularibus vetavit, ne in Commendam Monasteria, quæ sunt Ordinum Capita concederentur. Quoad reliqua vero Monasteria iudicio Romani Pontificis res commissa fuit, uti notat Fagotius in cap. 10. cum ad *Nostram* de elect. Ex quæ in posterum Monasteria vacarent voluit Synodus, quod nonnulli Regularibus spectatae virtutis, ac probitatis conferrentur.

(b) Aetate Ivon. Carnot ep. 73. Abbates Gallicani confirmationem, & benedictionem accipiebant a suis Episcopis, quibus fidem & obedientiam pollicebantur. At si Abbates forent exempti, & Apostolicæ Sedi immediate subiecti, benedictionem quidem ab Episcopo suo recipiebant, non tamen obedientiam illi proficiebantur. Professio enim, quam idem Ivo exegerat a Goffrido Abbate Vindonicensi inter ordinationis eius solemnias rescissa fuit ab Urbano II: ut scribit ipse Goffridus lib. 2. Epist. 27 Ius autem illud prorsum immutatum est, quoad exemptos, qui, ut iure novo sancitur, a Summo Pontifice confirmari debent. Cap. *Statuimus de suppl. neglig. Prælat.*

sibi reservaverunt Monasteria, quæ *ducentorum florenorum auri valorem* annum excederent.

Reliqua demum minora beneficia vel Episcopi conferebant, vel Abbates, nisi a Principe ad beneficium vacans aliquis fuisset nominatus, vel ab eodem commendatus, ut beneficium data vacatione obtineret.

Absolutis iis, quæ ad electionem spectabant, restat ut quidpiam circa confirmationem, & alia quædam, postremo in medium afferatur. Ac in primis pristina mutata disciplina, quæ per decem, & amplius sæcula invaluerat, hodie omnium Episcoporum confirmatio ad Pontificem pertinet, (a) eaque hac fere forma perficitur. Simul ac inquisitio de persona promovenda perfecta, & in instrumentum publicum redacta fuerit ad Pontificem Romanum transmittitur, ut plena totius negotii, ac personarum notitia habita, possit utilius Ecclesiæ commo providere.

Dubitatum diu fuit, per quos informatio illa, & instructio de nominatis ad Episcopatus sumenda esset. Nam Patres Synodi Cameracensis an. 1566. Mechlinien-

(a) Declaratur id præsertim a Gregorio VII. Epist. 27. 52. & 53. L. 1.

nienſis an. 1570. aliarumque non crediderunt per Tridentinum Concilium ſolis Nuntiis Apoſtolicis informationem demandatam fuiſſe. Neque id in Gallia creditum, ut Comitiorum Bleſenſium Decretum an. 1576. ſuper examinis forma conſtituit. Itaque Gregorius XIV. & Urbanus VIII. (a) Concilii Tridentini decreto inhærentes declararunt, poſthac informationem non eſſe ſumendam per Ordinarios, niſi deficientibus Legatis Sedis Apoſtolicæ. Hoc tamen non ubique receptum eſt.

Confirmationem poſterior ætas, ut in præcedentibus adnotavimus a conſecratione diſtinxit, (b) ideoque etiam ea quæ *iurisdictionis* ſunt ab his, quæ ſunt *Ordinis*; que.

(a) Quid de hac innovatione ſenſerit Ioan. Eckius; vide ſib. 3. de Primatu Papæ cap. 40. Hoc ius penes Pontificem permanſit poſt ſublatus etiam *reſervationis*. Propter negligentiam, contumaciam Metropolitānorum aliquando rogati fuere Pontifices, ut Episcoporum electiones confirmarent; quandoque opus erat diſpenſatione, quam ſola Apoſtolica Sedes concedere poterat. Metropolitani poſt inveſtam Paſſii accipiendi neceſſitatem in Conc. 8. Conſtant. firmatam, novas conditiones amplecti coacti ſunt. Quoad Episcopos vero, ubi electioni Metropolitani intereſſe ipſi deſiderant, eandem etiam deſiderant Synodice confirmare.

In Italia quamquam eligendi ius ſæculo XII. ad Cathedralium Clerum, Abbates, & Episcopos tantum conſtitutum foret, nihilominus etiam ad pleraſque Præſaturas Pontifex ſolus nominabat. Atque hic notatu dignum eſt, quod Innoc. III. etiam ſi Siciliae Regnum ſeudum eſſe putaret Apoſtolicæ Sedis, numquam tamen potuit integram Episcoporum electionem ſibi aſſerere lib. 1. Epist. 411. Bullæ Rom. T. 2. pag. 705. edit. an. 1635. Barboſi lib. 1. iuris Eccleſ. cap. 8.

quemadmodum novum illud invexit, per Electionem acquiri electo *ius ad rem*, per Confirmationem vero *ius in re*, ut recentiores Canonistæ loqui amant.

Neceſſe quoque eſt Conſecrationem præcedat iurandum *fidelitatis* præſtandum Romano Pontifici, non illi prorsus abſimile, quod Domino directo Vaſſallus præſtare ſolet. Antiquitus tantum *Canonicæ obedientiæ* profeſſio, fideique declaratio requirebatur. Imo antiquitas iuxta Iacobi Apoſtoli monitum (a) valde ſolicita fuit, ne citra maximam neceſſitatem iuramentum præſertim ab Eccleſiæ Miniſtris exigeretur (b). Anno 1079. Gregorius VII. a Patriarcha Aquilienſi in Concilio Romano merum iurandum primus elicuit. At ſæculo XIII. vertente, iſtiusmodi conditio a Pontificibus Palliorum conceſſioni adiici cœpta eſt (c).

Electus ſubinde ſiſtitur ante conſecratorem, qui priſcis omiſſis interrogatio-

ni-

(a) Cum in Eccleſia coeperint electiones celebrari, nullis præſentibus Provinciæ Episcopis, verum ſolius Cleri, Populiſque ſuſfragiis, *max. de Cleri* ſolius gravior, inde exorta eſt neceſſitas, ut a Metropolitano conſecrarentur Episcopi ſerio examine præunte. Math. cap. 5. *non iurare omnino; ſic autem ſermo veſter, eſt eſt, non non, quod autem hiſ abundantiſ eſt, a malo eſt.*

(b) Vide Conc. 2. Cabilon, cap. 13. Capitular, Reg. Franc. lib. 1. cap. 91. lib. 7. cap. 466.

(c) Vide AQ. Inn. III. ubi extat formula dandi Paſſii, iuncto Sacramento fidelitatis cap. 13. x. de maior. & obed.

nibus, responsionibusque super meritis electi, (a) ac solum Apostolico perlecto mandato, unde consecratio penitus pender, examen de eius fide moribusque, tamquam nudam ceremoniam conceptis verbis expressam instituit, (b) quo peracto Officiorum suorum eundem admonens, una cum adstantibus Episcopis ipsi manus imponit (c).

F I N I S.

(a) Cap. unico ff. de scrutinio in Ordine faciendo.

(b) Formula examinis instituendi in ipsa Ordinatione per Metropolitanum Ordinantem recentioris esse instituti videtur. Vide Garner. Diurn. Rom. ubi nulla huius examinis occurrit memoria.

(c) Ritus hunc a Iudæis ac Synagoga in Ecclesiam traductum, atque ab Apostolis observatum, & per eorum successores ad nos transmissum fuisse putat Guilelmus Beveregius ad *Canonem primum Apostolorum*.

ERRATA.

CORRIGE

pag. vert.

16 17 Ordinum interest.

24 6 Antistitis.

25 2 in primam.

31 16 Imperatoris.

Ordinem inter, &.

Antistitis.

in prima.

Imperatoribus.



5800322



